



王廬詩

光緒癸巳春二月  
開珣夏五月  
珣竣  
七十五歲  
楊峴題

韜

岳廬詩存序

天地間誤人甚者其尙同乎於世多徇必於己多失而我之爲我睠矣心之發於言爲詩人人有心人人有言夫焉能必同韓子論文以自樹立不因循爲能由漢魏逮元明詩人代作皆已能自樹立得傳其隨流啜醜竊附風雅不旋踵而歸無有由是以觀未有不拔於因循而能久遠者也自七子倡復古而詩多質鍾譚尙纖仄而詩多陂國初新城王氏矯以神韻而又病泛當其風會所扇趨之者如一邱之貉卒之若飄風之振槁葉其盡可立而待也然則非豪傑之才孰能自拔於因循哉

岳廬詩序

一

吾友吳子蒼石性孤峭有才未遇以簿尉待次吳下其胸中鬱勃不平之氣一皆發之於詩嘗曰吾詩自道性情不知爲異又惡知同初爲詩學王維深入奧窔旣乃浩瀚恣肆蕩除畦畛興至孺筆輸瀉胷臆電激雷震儻忽晦明皓月在天秋江千里至忱深思躍然簡編烏虜世之學者譽合毀離喜甘惡辛其於蒼石詩刺於目而棘於口方擯抑之不遑而蒼石獨於荒江墟市之間抱膝長吟悄乎以思曠乎以放時而兀傲時而愁悲凡以自達其性情不苟合於今亦不强希於古所謂克自樹立者殆庶幾乎余與蒼石居同里學同術又同好爲詩

二人之詩不必同而勉爲樹立則同顧余中年多病意興頹然蒼石年相若而精悍無匹爲之不已待後人論定必將有取其不同不與黃茅白葦概子芟夷則余今日之言其左券因書以弁其卷端光緒己丑仲秋之月施浴升序



岳廬詩序

缶廬詩叙

獻游吼山刺船石宕閒心目恂恂狀之曰如梁如屋玲瓏四丞如荷夫渠藤蔓嫋嫋如無所著此山水之創獲也在全椒獨行桃萼林月出無人語心目恂恂記之曰紅雨已霏殘英在樹新月照之作雪色不辨其爲淺絳深紅也此斲木之創獲也漚上逆旅安吉吳君昌碩傾蓋如故讀所作詩歌心目恂恂題辭曰老梅一萼香一曹怪松化石何輪囷僂從月小山高處想見嶽崎厯落人此文字之創獲也今夫求古之詩曰有正變求今之詩曰有工拙固已世亦知無變之非正拙至而後工乎

缶廬詩序

一

何以明之古之詩卽悲悼感憤天地變色惟植體忠厚宅心和平始可以會於風雅今之詩多緣飾綺靡流極旣衰惟樸屬斂至文有其質乃可以差於作者若是乎不可苟也苟者何也近名者是吳君湛湛游心於古初雖性好文字而不欲與緣飾綺靡之流驚旦夕之名佇興賦詩寄其蕭寥之心浩蕩之興而已撥弃凡近而體素儲絜伊昔篋中極元二集由此其選也獻識其幽語而思則雋險致而聲則清如古琴瑟不諧里耳世有牙曠千載遇之若旦暮也與君別二年一日書來索序其詩聞之王貽上雪夜被酒序吳野人集談者謂野人之

詩貽上有不及枯冬漏定稷雪蕭蕭入庭竹走筆成昌  
碩詩叙君固接武東淘獻不中與漁洋作僕耳光緒己  
丑仲冬四日夜譚獻書

告廬詩序

岳廬詩卷第一

安吉吳俊卿倉頡

即事

野火連天百草摧平原落日鳥飛回將軍軍令如山重  
獵騎翻從市井來

宿曉覺寺

寒月一庭霜安禪段石牀遙泉入清夜落葉響長廊  
護持朝火鄰春隔歲糧老僧知梵字聊與攻盧倉

龍安院尋竹逸上人

欲隘谿壑深蒼翠靄沈沈微雨野花落空山聞磬音穿

岳廬詩卷一

一

雲樹突兀隔水氣蕭森欲問高人宅樵夫何處尋

郭南道上

木落天氣清長涂策馬行浮雲參野色斜谷走谿聲  
樹冷文殊宅田蕪晏子城不堪頻極目蟲鳥雜悲鳴

送施紫明先生北上

相送臨江邨愁人幾斷魂三春風雨晦兩岸樹林昏  
客思隨滄海長涂繞薊門別君思遠道攜手復開尊

庚辛紀事

徧地干戈起于今竟莫逃涂爭界牌出

界牌廣德州地名

營指

石岐高石岐安吉縣山名昏黑見烽火腥紅認戰袍鄰封淪陷



盡誰與建旌旄

鄉愚明大義甯死不虛生賊勢如焚火民心亦背城持

將錢鑄器禦此虎狼兵殺氣騰昏曉隆隆戰鼓聲

百里礮雲開長驅大隊來紅巾揮戰纛白日蔽塵埃一

炬盡焦土幾家沈劫灰何方堪避地有路是泉臺

荒竄入窮谷終年隱姓名潛身疑有術禦賊苦無兵徧

地驚烽燧馮天斷死生古來同惡劫敢作不平鳴

夜賊何方至逢人但舉刀哭聲殷風雨亂走劇波濤入

谷愁無路攀厓恐未高桃源更何處僵卧且蓬蒿

風雪草堂低嗽嗽倍苦悽有家若縣磬縱飯亦充泥顏

岳廬詩卷一

二

色慘疑鬼藩籬觸類羝空山鮮薇蕨何處著夷齊

蒼生頻履難造物豈無因異病來災沴全身信鬼神招

魂哀弱弟薶骨痛慈親獨子誰憐恤依依向四鄰

五載離鄉縣逢人失故吾道旁尸偃仰草際血模糊月

黑野狐出天陰怨鬼呼西風滿懷淚慘慘聽曉烏

骨肉餘生幾追隨父與兒流離真瑣尾微幸出艱危弓

冶延新澤盃捲動舊悲殘書三五尺喜下仲舒帷

痛定還思痛嗟予敢晏安青氈猶坐守黃卷未拋殘夢

裏無家別生前行路難吟詩多苦調淚灑北風酸

十畝蒲帆一葦航歸舟好趁晚風涼夕陽初楸溪雲濕  
知有人家住水鄉

登高

年年頻落魄今歲更蹉跎作客離情慣登高感慨多歸  
心雲壓斷秋意雁驚過極目蕭條甚茱萸恨若何

靈隱寺

樵路出諸天亭空繫冷泉險疑山欲赴清到磬無邊果  
落溪猿歎浴封石佛眠何當段禪榻塵夢滌秋煙

歸金麓山

夕陽逗林薄獨自返柴關飛鳥戀故木行雲思舊山逢

告廬詩卷一

三

人間親友方語雜荆蠻時多楚人墾荒惆悵清溪上空餘水一  
灣

寒食登金麓山

故鄉馮弔黯銷魂賸水殘山冷一邨溪上草堂何處是  
劫餘耆舊幾家存荒原有鬼悲風雨寒食無人泣墓門  
歎息平林棲鳳地年年杜宇換唬痕

金蓋山

漫山白雲起浩蕩得茲遊竹影暗交翠天風橫素秋鳥  
嘯溪澗寂花落洞門幽多少巢居客黃冠只自由

寄徐渠生孝廉士駢海上

荒城日蕭索獨坐更誰親無事消殘歲清遊憶故人寒  
山生紫翠落日冷松筠悵望離羣客相思在海濱

畚六泉山人朱正初

銅嶺關頭獨往還六泉門徑久蕭閒青蘿補屋宜藏月  
紅葉漫天坐看山兩地牽懷兒女小一身行蹟髣髴斑  
勸君莫動思鄉念來共蕪園屋數閒

湖濱小劫圖爲某卿宗丈容光題去粵寇亂時已

廿餘年

壓地嗽雲黑連邨劫火紅天心何太酷人事竟無功救  
援軍何在東南路已窮湖山七十二慟哭起悲風

缶廬詩卷一

四

鉦鼓喧湖上倉皇盡室逃幾人餘虎口一命等鴻毛冰  
雪漫漫阻烽煙莽莽高臨流還脫險生死信天操  
天道有時復湖山長此青別來人故故相對夢惺惺流  
寓當年境傳家舊日經披圖一回首十萬痛生靈  
我亦遭兵燹餘生劫後存荒郊曾灑淚野葬一招魂骨  
肉成浮寄田園廢舊邨不堪身世感此境悵同論

刻印

贗古之病不可藥紛紛陳鄧追遺鞦摩抄朝夕若有得  
陳鄧外古仍無功天下幾人學秦漢但索形似成疲瘵  
我性疏濶類野鶴不受束縛彫鐫中少時學劍未嘗試

輒段寸鐵驅蛟龍不知何者爲正變自我作古空羣雄  
若者切玉若者銅任爾異說談齊東興來湖海不可遏  
冥搜萬象游洪濛信刀所至意無必恢恢游刃殊從容  
三更風雨鐙焰碧墻陰蔓艸啼鬼工捐除喜怒去芥蒂  
逸氣勃勃生襟胸時作古篆寄遐想雄渾秀整羞彌縫  
山骨鑿開渾沌竅有如雷斧揮豐隆我聞成周用璽節  
門官符契原文公今人但侈摹古昔古昔以上誰所宗  
詩文書畫有真意貴能深造求其通刻畫金石豈小道  
誰得鄙薄嗤彫蟲嗟予學術百無就古人時效他山攻  
蚍蜉豈敢撼大樹要知道藝無終窮刻成衰手窗紙白  
皎皎明月生寒空

缶廬詩卷一

五

登樓

湖上歸來舊有家登臨不見好雲遮麥苗青泛連畦水  
罌粟紅堆十里霞海內奇荒悲鐵淚丁丑戊寅間河南  
山西大饑刊鐵淚  
賑勸吳中淫雨病春花山民何處爲生計已過清明未  
采茶

郭吳邨雜詩

莽倉躡林麓迷離認草菴唯餘古松樹掩映下溪南別  
墅何時築浮生此足耽菟裘吾舊隱秋井試泉甘  
高閣動晨眺愀然聞鷓鈴長風披落葉秋色傲荒桐樹

帶郵亭古山浮別縣青數行題墨處清淚憶趨庭

山溪

山溪易雲雨相對輒朝昏亂石迎風色秋潮抵樹根蓬  
鬆新澗竹蕪沒舊煙邨去住渾無定沙頭驗水痕

南樓清明

南樓自昔曾聽雨此日馮窗悵晚晴芳草天涯迷燕子

桃花吳市放清明重來朋舊半爲鬼

李皋臣郭張玉斧  
興七年中相繼而

逝愁裏江山獨自行欲寄離懷杳無處可堪黃鳥隔牆  
鳴

寄萬東園表弟春涵

岳廬詩卷一

六

東園眾山阿門繞青松樹思君白雲外望我江南路江  
南何所戀日夕抱沈痼黃華客中遲佳節愁邊度遙憶  
山中時結契共清素晨鐘子午興看竹每同步揖別未  
經歲君顏夢頻遇欲呼江上船秋風冷魚具

蕪園圖自題

大鈞無遺澤萬物遂其私榮悴閒不同亦復得安之蕪  
園何所蕪人與蕪園期卽此足容託荒陋安足辭遙遙  
望白雲慨然發長思

寂寞山城隅地偏荆榛長衣手把長鑿種竹開茅堂念  
昔歸仁里高曾茲允臧滄桑人世殊三徑久已荒卜居

桃城中未殊居故鄉故鄉雖未遠易地心憂傷邱壟望  
不見四山雲茫茫  
生我母云亡撫我母尤瘁三復哀哀詩益痛靈椿逝手  
澤鮮故書杯捲無舊製敢謂子克家析薪懼重寄茅屋  
八九閒庶無塵鞅累願爲隴晦民潛修足自遂  
家食苦不給買舟湖海游讀書未十年竊媿升斗求妻  
孥守荒蕪谷鳥鳴啾啾人生天地閒局促甯自由  
秋風日以涼秋草淒以綠亦復愛吾廬攜圖寄遙矚煮  
字未療饑一身徒僕僕吁嗟梅與鞠終年長濩落  
歸隱既未能披圖空神往念我手植梅及今應一丈桑  
柘舊時陰先人所長教幾年未料理出門徒惘惘客中  
雖云樂故園終蕭爽何日拋微祿永作蕪園長歲寒以  
爲期賦詩作息壤

坐雨和鐵老

窗外雨如鏃驟涼生葛衣滿庭蕉葉大入坐草蟲飛興

賴殘書遣秋遲一雁稀虛舟何處著江海願同歸

曾爲題虛

舟縱浪圖

與鐵老話舊

七十老翁何所求

用摩詰句

洪濤逆浪挽虛舟興來自醉碧  
筩酒行散一登黃鶴樓不盡美人秋水思每深風雨夜

燈愁八年前記蘇臺月無恙清光照白頭

蘿埕

西湖岳廟前有枯木一本高百尺大十圍藤蘿緣其上遠望之如埕形名之曰蘿埕題見西泠

酬唱集

一木枯不春直幹無尺枉薜蘿盤千層幻作浮屠像鄂  
王功不成忠氣塞天壤廟前草木奇卓立人共仰葉露  
墮舍利光耀秋月朗古藤護雲雷深根窟魍魎黃妃與  
保俶湖上埕有兩此獨天功成不許人力彊樵斤長歛  
步法雨滋培款晨煙眾鳥集鳴作梵唄響危綠具階級  
凡體焉得上裴回望絕頂欲策夸父杖詠物并懷古相  
和歌慨慷想見日落時英風颯來往

缶廬詩卷一

八

自題小像二首像獨坐松石間王復生筆也

松如古仙人石爲壽者相共秉堅貞心不變古形狀王  
郎工寫生著我坐清曠澹焉忘塵慮高契羲皇上羲皇  
不易求無懷未遽讓誰解靜中趣南山元相向

別墅下溪南繞屋種松樹秋空巢鶴歸明月照山路下  
有讀書堂是我舊吟處離居十七載鄉社竄狐兔桃州  
今小住屋近桃花渡鉏梅引春氣種鞠待秋暮安得移  
靈根南軒救風露

憶內

竹裏西風撥破屋無眠定坐鐙前卜誰家馬礮聲隆隆  
大兒小兒俱睡熟

過楓橋

十月霜未降楓橋楓葉青人家隔秋水鐙火隱回汀遠  
浦雁聲落寥天風色冥烏嘒鐘正晚清絕掩篷聽

渡江

江風吹日薄江氣繞林昏杳杳迷京口荒荒接海門平  
潮吞野岸一雁點秋痕空負澄清志同誰擊楫論

黃浦

風雪渡黃浦勞勞媿此身堅冰破船腹白浪卷河唇盡

岳廬詩卷一

九

日書遮眼殘年酒放春天池應未遠獷獪漫窺人

贈金道堅永

曰歸歸未可且住亦何心面目遭時陋風塵障眼深閉  
門全故我空谷得高吟自是成連子裴回海上琴  
大俠人間少固窮吾道尊斧柯誰一世心事且同論望  
斷春如海魂傷月到門摩挲三尺劍寂寞共晨昏  
一櫂辭淮水吳天奉老親故鄉雲外樹密思酒邊尊直  
道誰容汝讀書甘食貧小人猶有母風雨倚閭頻

渡太湖

三萬六千頃盪搖風雨間樹頭沈木瀆篷背走箕山浪

卷逐飛隼湖明下白鷗  
媮閒在行役回眺數煙鬟

池上

涼月不著地火雲飛滿庭  
猶聞繞樹鵲時閃隔天星  
弄晚笛聲遠搖煙荷氣馨  
祇憐數竿竹照水影青青

雁

長水綠復綠旅情孤更孤  
魂消秋一雁天遠下三吳  
暮雨驚寒早遙空逐伴呼  
關心吾見汝珍重在江湖

焦山

甕覆雲入城颿張浪排雪  
言尋枕江閣行楸冬十月  
陰崖光閃爍脚底龍蛇窟  
落級上層層松寒氣蕭瑟  
周鼎

岳廬詩卷一

十

攷無專鶴銘辨真逸文字  
捫斑駁熟讀抵濡脫寶氣  
護雲壑絕頂轉疏豁江山  
縱游目得氣秀無匹出浪  
南徐平檣空北固立堉代  
此戰爭浮雲看得失成敗  
論英雄何須又今日茲游  
興未足更復歷禪室奇境  
天所開道心靜斯澈天畫  
一派青地接五湖白歸橈  
指京口又與名山別落日  
沈大江煙濤浩難越

田家

一屋面水柴作扉雄雞  
弼弼黃牛肥牀頭巨魚  
縱大叟樹角片帆懸落  
暉小桃源似幽徑闢古  
田家在修竹圍江山無  
主復笑我飯青蕪處胡  
不歸

別蕪園

虛亭會百泉破屋漏一雨用是名蕪園容鄙欣得所梅  
竹氣蕭森莓苔上庭廡荒涼半晦宮經營勞我我父  
既云亡我身委羈旅離聲牆外禽行色煙中櫓饑寒驅  
作客獨行亡踽踽在惜懼烽火鄉閭一焦土亡者四千  
人生存二十五骨肉賸零星流離我心苦至今荒山裏  
流毒聚豺虎通問無親朋衡茅自賓主高堂念游子妻  
孥守蓬戶昨歸今出門一別一寒暑相知定何人茫茫  
向江滸讀書媿未成好古竟何取男兒好身手何不拔  
劍舞區區謀一飽坐受眾人侮滄波洗兩眼豪氣鬱難  
吐回頭望鄉里高歌聊激楚攜家苦無力所至輒齟齬  
何時隨狙公故山拾秋芋

贈周陶齋大令作鎔

落梅風起處問訊慰平生一笑飲吳市幾年疏宦情游  
拚滄海遠春愛袂衣輕握手忍言別遲遲殘月明

辛巳重陽

客中又重九佳節屢孤負黃華敗風雨對誰開笑口去  
歲逃索逋今歲思萼鱸明歲更安往今吾猶故吾吾欲  
歸家園讀書事耕稼生計亦何疏破屋荒山下人生事  
由天奚須常苦顏酤酒篷背坐醉看溪南山

雙瑯寺寄友人

雙瑯倚林表危樓此暫棲濕雲低渡鳥朝日亂鳴籬入  
望煙蕪冷懷人浦樹迷黃華故園好昨夜夢苕西

偕杜楚生連章沈養和涵泛南湖題草閣壁

風生梅樹林吹雪上衣襟一櫂夕陽遠南湖春水深瑯  
鈴人共語煙海鳥來尋歷劫空王宅藤蘿未改陰

野宿

獨宿古原上無由好夢尋漫山下黃葉絕壑沍秋陰蟲  
語隔煙起燈花扶醉吟故鄉渾似客愁絕搗衣砧

丹陽道中

岳廬詩卷一

七

三百里程爭一日望亭亭野接丹陽雲沈水國天何遠  
秋入蘆花氣乍涼失路幾經窮鳥歎踏車休笑老牛僵  
河魚香稻紛紛飽輸爾南歸雁數行

病中得家書報賊退喜而作歌

鐘鳴葉落風激湍老天病我城南端秋氣感人避更劇  
一室斗大愁天寬魂魄動盪髮膚監頭昏目暈唇舌乾  
隱几而卧坐而言時見鬼手挑鐙殘調糜量水仗老僕  
病熱弗任衣裳單得僕如此願亦足骨肉遠隔猶團藥  
家書忽報賊氛退全家昨撤烏篷船蕪青亭畔竹惹情  
龍溪馬瀆南軒環山妻鄰里慰牢落大酒肥肉牆頭傳

大兒小兒覓梨栗抱孫況得慈母歡此時勝服特健藥  
破涕爲笑心神安生氣頓覺入腸胃起看天地行蹣跚  
杜陵得書喜賊退我今蹶起眞生還滿庭蒼綠照窗戶  
髣髴移我桃花山

香禪精舍圖爲潘彥羊先生鍾瑞題

先生無室家累儵然一身如空山老衲而無打  
鐘供佛之煩出語精妙深得禪理我詩意淺薄  
以被法論之則  
參得下乘禪也

空山秋月明獨坐會岑寂木犀香裏禪氤氳呼欲出  
入定孤雲微禁寒一衲破況著蒲團處澗秋不可唾  
空諸色與香道氣何微眇禪悅不可說惟見拈花笑

岳廬詩卷一

三

儒者不參禪未知忘形蹟試觀濂洛輩多從禪定入

讀楊藜翁先生遲鴻軒詩集並謝題削觚廬印存  
公詩有神公莫嗟蒼然古調彈銅琶金石淵淵出歌歎  
毫毛茂茂翻龍蛇披衣當風坐晨氣彊項入世儕秋花  
笑我耕夫望不及也思識字來停車

平生恨未多讀書刻畫金石長嗟吁贈言直抵江山助  
大美不在面目腴眇舞此曲吾烏敢嗜痴有癖公誰俱  
寓庸齋頭好秋色坐我但覺游唐虞

藜翁顏其居曰庸齋又曰寓庸齋

蠟梅花下閨飲

風暖蠟梅叢虛檐落欵冬人狂書漫卷家宴酒開封歸

未不如鳥好真能感龍燈花猶報喜易印得邾鐘友人屬刻

小印以舊拓邾公輕鐘抵潤

辛巳紀事

巖壑無端嗥虎狼獨松關下草荒荒曾聞白梃傷夷虜  
共駭黃巾縱斧斨歎聚千羣馮鼠社蕭條三月罷蠶桑  
石鷲壁壘橫溝血不獨驚烽見武康

古桃州接餘臨界賸水殘山厯劫深剽掠更張羣盜膽  
彌縫幾見長官心致成癰患伊胡底坐失渠魁禍已沈  
漫說談兵皆楮上南來車馬自駸駸

逸匪傳聞力不支同仇欲殺宵教遲松茅並燼終歸劫

缶廬詩卷一

十四

魚肉皆民痛此時已見兵車行忼慨可憐風雨歎此懽  
縱然不作封侯想銷盡機槍合展眉

有婦有親兼有子那堪風鶴故山傳思歸反側難忘母  
無恙團欒且信天梅竹依然紛飽露琴書曾未礙高眠  
出門自是男兒事牛背行歌媿昔賢

潘孝婦傳書後

孝婦瘦  
羊母也

鬱鬱貞松蔭啾啾慈烏唳貞松心不變慈烏聲正悲殉  
夫固所安有姑當屬誰姑存與俱存姑亡生何爲言念  
晨昏歡泉路宜追隨想見伴姑日呱呱唳在懷倚壁燈

無光酸風門掩柴十指徧皸瘵兒女裋禪鞵晨起視姑  
食餅罄質以釵飲泣不出聲時恐姑心摧將母代子職  
不惜枯形骸何期天不弔孝感翻成災我讀孝婦傳使  
我中心哀繫誰無翁姑厚薄不同歸至性貫生死永永  
誠無虧顯揚有令子皇天所栽培繫誰無父母丈夫誰  
須眉

蘇州送別紫明先生

闔閭城內聲歌融闔閭城外煙雲空濁酒青山愁送客  
碧天長水歎飄蓬頻年南北攜書卷放眼江湖識寓公  
何日扁舟共簑笠釣竿閒拂蒹葭叢

缶廬詩卷一

十五

缶廬詩

金俯將傑贈予古缶云得之古壙了無文字樸  
陋可喜因以名吾廬光緒八年壬午四月記

以缶爲廬廬卽缶廬中歲月缶爲壽俯將持贈情獨厚  
時維壬午四月九雷文斑駁類蝌蚪眇無文字鐫俗手  
既虛其中守厥口十石五石頗能受興酣一擊洪鐘吼  
卅年塵夢驚回首出門四顧牛馬走拔劍或似王郎偶  
昨日龍湖今虎阜豈不懷歸畏朋友吾廬風雨漂搖久  
暫頓家具從吾苟折釵還釀三升酒同我婦子奉我母  
東家印出覆斗鈕西家器重提梁卣攷文作記定誰某  
此缶不落周秦後吾廬位置儕箕帚雖不求美亦不醜

君不見江干茅屋杜陵叟

驛亭

寒雨驛亭荒亭虛秋樹黃浦深帆漠漠江盡野茫茫到  
眼蒹葭冷留人杜若香願隨漁父去天地久低昂  
敗葉疏紅點平沙凍綠鋪野行惟我獨秋興偶然孤人  
薄抱關吏天憐識字夫風塵隨去住濁酒醉還酌

蕪園夢中作

東鄰西鄰攜酒壺南枝北枝曉胡盧綠竹滿庭自醫俗  
青蕪作飯誰索租眠展蕉陰葉葉大坐聽簷雨聲聲粗  
夢醒燈火逗寒碧城頭曙色翻雅雛

岳廬詩卷一

六

欣園汪符生煦同遊

菜花滿地梨花白攜手同爲畫裏人禁得春寒還小坐  
闔閭城下雨如塵

航海

蛟窟雷翻動蛇山浪折回長涂當雨雪元氣蟄胚胎世  
界空浮影金銀幻作臺瀛州招海客欲說病無才  
一水瀉天黑風波來渺茫鑿昏魚眼射淵塞蚌珠藏積  
翠珊瑚冷迷花島嶼荒成連今不作誰與鼓琴商  
倚枕神仙窟從知造化工水分常浴日海立不因風  
北春雲掩天南曙色通之采潮影外孤直自爲雄

海隅開一關遙見煙臺山天仄鰲身映慶高屋氣環居  
民游莽蒼刻石擁斑斕回首沙門隔斜陽百里閒

贈楊香吟先生光儀

香吟天津人著有  
碧琅玕館詩集

風雨數椽塵不到琅玕萬个手親鉏先生長物錢難買  
海色天光照讀書

古城隅繞三津水問字雲亭數往還觀海此行真不負  
瀛州以外幾名山

鄆南

九月鄆南道家雲牛扉日斜衣趁暖霜重菜添肥地

岳廬詩卷一

七

闕秋成早人荒土著稀盈盈煙水澗鷗鷺笑忘歸  
書張哲甫文田大野草堂詩彙後兼寄符生

懷抱不可測吟詩暮復朝北風天雨雪滄海自漁樵醉  
逐華亭鶴才空吳市簫草堂開大野雲樹想蕭蕭

海內存知已用前  
人句汪倫最有情酒酣徒擊劍親在敢忘

名天末離居苦霜前獨夜清料應同不寐星斗正縱橫

寄家子常孝廉

茗水舊生涯青山況我家大名詩敢敵雄辨氣皆華倚  
醉烏程酒感時梅樹花所思渾不遠何日話桑麻

祭詩

欲談離亂苦無稽紀事頻媮杜甫題幾卷叢殘醜酒對  
隔窗猶怕鬼雄嘯

鴨鑪香暖酒盈甌問訊梅花匿笑不一事今年狂更甚  
水哉長歎海東頭

亂書堆裏費研磨得句翻從枕上多只恐苦吟身盡瘦  
一盃自酌漫蹉跎

甲申三月鍊老過西晦巷新居索和

照檻水盈缶翻書風過牆屐喧春草亂人舞落花狂嗜  
古出天性遂居成獨行東西南北路愁思晚蒼蒼  
林鳥候風色郵亭爭夕暉徑荒迎野步雲樾遂征衣岸

告廬詩卷一

六

影桃花泊江城燕子飛古吳春漸老乘興欲何依  
春水浩無際桃源休問津山山青向晚物物長迎人逆  
旅登屢久輕寒中酒頻靡蕪歌采采客思幾回新

紫明先生就醫蘇州話舊

天地葉飛初憐君過做廬吟懷因病減高性愛人疏湖  
海氣無敵菰蘆髮不梳青鐙還照影故態莫教除

送紫明先生還安吉

記曾秋思動湖湄小艇尋秋去去隨知我能狂青眼舊  
如君用拙古人誰鞠華香冷迎歸櫂玉磬音沈伴下帷

時掌教磬山書院

此去逸情霄漢接西風別淚又胡爲

北寺埵

埵形孤且直更上莫蹉跎平野吳如沼南天江始波有  
懷征雁去無盡遠山多別有尋秋思馮誰解歎歌

登北寺埵和壁間均

驛柳城雅動莫哀再登危埵望蘇臺雲霄千佛笑人老  
風色一林驚雁來范蠡船空秋水綠支公巷古夕陽開  
英雄極目今誰是頻仗狂歌勸酒盃

得天津楊香吟孝廉書卻寄

問津黑水三千里看竹窮簷十萬竿書到秋聲傳紙上  
酒醒名士隔雲端至情老去還依母頻歲饑來轉謝官

岳廬詩卷一

九

料得關河霜雪蚤蘆簾土銼對清寒

秋雨蔣苦壺玉棧招飲

寒江秋漲莽蕭條浩氣平生漫坐銷竹粉侵牆風細細  
落花蔓石雨朝朝上書獮獮窺韓愈作豕蝸牛笑李潮  
鹵酒莫辭今夕醉古懷拚用百盃澆

岳廬詩卷第二

安吉吳俊卿倉碩

寄六泉山人

河聲西向廣苔長聞道朱雲姓氏香  
落葉鐘鳴新樂府黃花鐙影古重陽  
愁來拔劍斷流水歸去看山眠草堂  
百不如人何礙老知君贏得是清狂

重九

把卷浮生見滅鐙行役休兩昏眠愛  
屢詩瘦坐鳴秋落木河之浹重陽樓  
上頭涼風吹斷雁愁思滿蘇州

憶昔

岳廬詩卷二

一

憶昔避賊黃茅岡重陽無酒天爲霜  
髑髏滿眼大道旁登高唯見斜陽黃  
是時厲氣乘秋涼大母卧病六尺牀  
我父乞藥龜山場我母侍側眠不遑  
一鐙掛壁秋無光西風入屋鳴枯腸  
軟脚病我神悽惶日拾橡栗難盈匡  
有妹有妹相偕行餘生十載尤匆忙  
對茲令節增煩傷穹窿一山雲低昂  
東西洞庭煙蒼茫一官匏繫心徬徨  
人生富貴何所望胡不遂初返故鄉  
不然手挽彊弧射天狼使我倚天長  
劍生光鋌

福兒書報蕪園近景編成三絕句寄令讀之

當年舊物仍我家青青者蕪黃鞠華  
屈彊亦有古梅樹

空山白雲檜槎柯  
東鄰種竹覆我牆兄弟讀書就作房閉門屢月斷人跡  
莓苔一徑通秋光

荒雞曉上蕪青亭了無人在秋月明山城靜趣貌不得  
除却天籟唯打更

感夢

元配章氏同邑過山人難中病沒倉卒葬桂樹  
下亂定發之不得其骨傷哉光緒十年甲申九  
月晦蘇州寓  
中忽夢見之

秋眠懷舊事吳天不肯曙微響動精爽寒葉落無數青  
楓雨冥冥雲黑月未吐來兮魂之靈飄忽任煙霧涼風

岳廬詩卷二

二

吹衣袂徐徐展跬步相見不疑夢舊時此荆布別來千  
萬語含意苦難訴我昔避賊難從父止遑路

孝豐  
邨名

奉母

賴汝賢山野同去住壬戌賊東下我歸三月暮牆屋一

無恙舊物雲煙付劫火燒不盡中庭桂之樹我母爲我

言是汝葬身處汝死未及旬當時記不誤賊平奉父歸

甲子中秋度亂後百事廢葬骨先所務攜鋤闢榛莽形

蹟了無遇淚下聲復吞裴回空四顧倉皇遠來意知汝

憐我固慰汝一言在吾身困猶故後匹菱湖施家計頗

吾助大兒年十二作詩漸成句次兒九歲彊弄筆滿天

趣兒雖非母出母汝汝當護汝言我長佩汝德我長慕

他年招魂葬同穴傍祖墓黃泉無自悲百歲猶旦暮

飽飯

飽飯無所向高原取路行江花延旅思鬼語雜風聲荒  
成柳搖白晚山雲過平宋寥誰謂苦牛馬任呼名  
飛動白雲處誰家山對門且題修竹去一倚酒鑪溫潭  
水散孤月漁鐙空遠邨塵氛天隔斷不厭坐黃昏

四閒樓

四閒樓高風泠泠寒山鐘入煙冥冥城隅一堦聳孤秀  
江上數峯排眾青酌酒自作東道主卧游勝讀南華經  
日光晨氣盪檐角梅花樹樹開圍屏

缶廬詩卷二

三

鐵老約遊鄧尉不果

水楊柳青天無涯一聲兩聲嗁老雅矮屋當樹晝忽暮  
寒風滿城春不花吁嗟游子世寡偶芒屨布韞飛蓬首  
安得上下隨白雲過莫釐峯渡胥口

虎邱

清磬數聲沈虎邱荒邨斜日下羊牛風生遠浦吹萍合  
人坐扁舟散髮游太古有情山到眼禪機無語石回頭  
摩厓讀徧吾誰與鑿影蒼涼月一鉤

潘燕池先生書問近況奉答

薄宦如游民浮家累妻孥一屋雨打頭達旦聲唧唧呼

名鳥友朋閉戶人菰蘆能狂山簡誰固窮東野吾讀書  
萬卷愁鑿石雙手痛那知刻畫能深入貧賤淪游刃雖  
有餘見咄屠門屠吾師旅食寬歎息門下孤容髣感蒼  
涼心血愁彫枯來書贈我言自苦何爲乎局促人中龍  
浩蕩江頭鳧時光任轉移富貴何有無春江酒變成此  
說良不誣與公爛醉期行止交相扶

寓齋閑飲招鐵老

柳條拂地東風勻春江不染纖纖塵看碧桃花過寒食  
聽黃鸝兒隨酒人高談雄辨客愁散原上水邊天氣新  
借問老翁苦岑宋曷不賦詩來頻頻

缶廬詩卷二

四

寄符生

點點雨飄暮荒荒雲過山媚人花蕩漾迷鬼竹斑爛大  
道悲無仰微官信有閒商量加舊學何日子之還

壺園餞春圖爲鄭小坡孝廉文焯題

花影水清淺石根雲去來壺園明鏡裏詩境古吳開把  
酒自爲壽得天無盡才傳家書帶草蓬勃不須栽

如笠一亭小隔塵修竹深有鄰鸞愁柳無語石聽琴息  
影古池夕擁書嘉樹陰壺公君卽是仙隊莫相尋

金睛牛彪要同人登虎阜品憨泉

夏水忽欲滿酒人隨處過羣山青窈窕昨夜雨滂沱就

竹僧房近回風虎氣多禪心同一笑奈此石頭何  
苦茗沈沈醉慙泉滑滑通一亭當古道四月坐南風  
邨闌散游女日斜歸已公打鐘還掃地佛事也匆匆

懷人詩

鐵老詩如枯木禪眇於情性出天然商量聽雨聽風去  
滿眼江湖同放船

鐵老

奇詩動似春葩吐古隸書成亂髮團人是人非都不問  
了無人處自家看

藪翁先生

薊北詩人不可羣庾開府亦鮑參軍碧琅玕館無多地  
容得海風吹白雲

香吟

告廬詩卷二

五

一官匏繫髻蒼然箸作無多信可傳十載揚州應夢覺  
幾時歸放孝廉船

張乳伯先生行字

南船北馬閱人多短後衣從市上過結習盡除天不許  
一春還與病銷礪

紫明先生

古廳如水碧苔滋貪看蕉陰筆硯移聞說黃庭初寫罷  
暮春天氣歎閒時

畢蕉菴兆洪

入世何妨狂是醒不如歸去讓先生六泉山下涓涓水  
洗得詩腸徹底清

六泉

不肖依銘安固窮文章脫盡老冬烘心胸湖海相摩盪  
說著因人耳便聾

東園

新詩題上四間樓  
春蚓秋蛇墨氣浮  
狂草今朝留一席  
任君涂抹滿牆頭

施石墨爲

黃山白嶽幾回看  
經過嚴陵七里灘  
聽水聽風隨處可

香禪居士著蒲團

香禪

倚醉吟詩秋復春  
東西南北酒爲鄰  
梅花橋畔三間屋

空與白雲高出塵

茶礪

滿眼滄洲壁上觀  
閉門風雨發長歎  
鞠花看罷尋梅去

草木邨人耐歲寒

顧茶邨潞

海上浮家長閉關  
似乘書畫米家船  
南湖煙雨春無主

想見吟詩思渺然

楊南湖伯潤

岳廬詩卷二

六

枕簟迎風臥碧苔  
君家雪巷對門開  
不嫌野性談詩惡

手把芙蓉避暑來

陸廉夫恢

文字搜羅走馬牛  
壯陶閣上鎖蛟虬  
尋碑寄語黃司馬

謂小初搗黃庭在霍邱

裴伯謙景福

散盤習鼎埋頭讀  
餓隸奇文活計求  
聞說得錢終買醉

一樽狂餞古吳秋

潘頌庭志萬

黃花題寄滄江客  
露氣霜華的的鮮  
療我頭風真絕技

且來脫帽看秋天

沈藻卿翰

嘉定阻風騎行十餘里宿野寺

吹葉下紅雨  
搗衣喧碧潭  
鄉心搖馬上  
秋思入江南  
長

歎天容仰浮生我夢酣那知今夜宿還與佛同龕

贈寺僧青望

黃茅堆屋石堆牆浦浦風回薜荔香籠閣夜鐙通窈窕  
雨田流水犯悽涼月明古廟蛇神出路滑秋蕪馬足荒  
輸與山僧攤粥飯笑人行役太匆忙

太湖曉發

野店投荒三四間渡頭齊放打魚船數聲鴻雁雨初歇  
七十二峯青自然

天平山看楓和瘦羊

曉鐘催行人出郭犯霜氣邨野雞旣鳴湖埽烏酣睡蒲

岳廬詩卷二

七

帆篩細風江色近人媚游興莽寥闊不飲亦心醉山脚  
遙穹陸船頭轉蒼翠肩輿恣遠眺得意如縱轡雞犬幾  
人家突兀峯前墜嶺表一關開聞說始明季同游熟掌  
故數典聽各異禿樹儼屏嶂狼石門風致言登宛轉橋  
細領荒寒味落葉翻芒屨清泉滌塵思人影益孟旁  
泉畔石壁上鑿  
仙人影三字苔髮石作臂古象不留名伊誰善罕譬  
姓天開一綫拾級趾容二短埕青崖頽古洞白雲沸萬  
象莫能狀轉眼若逃避天籟時一聞巖花香撲鼻詩境  
探奇幻人似仙行地吹笙王子晉遇之儻無意

大萬東園表弟以持硯圖屬題東園遭難後猶得保

先人遺物傳之繪事可記也賦三首

孤露餘生手澤稀粗安窳窳北山陞贖將一片寒雲色

秋雨潺潺寫墓碑

東園屢屬余為其先大父刻墓誌銘蓋卽余外祖也

垂髫曾侍校奇書深院梧桐落葉初乾死硯田鴝鵒眼

難尋當日玉蟾蜍

紀難詩篇徹夜裁一池秋水下簾開阿兄半壁尤堪寶

疑是東坡食破來

謂佩珊表兄所藏紫端破硯

除夕

柏葉翠浮酒木瓜紅釘盤古懷當宋寔春望倚闌千補

讀書胡底忘機劍孌看梅花窗外白和雪白加餐

缶廬詩卷二

八

丙戌人日

草堂人日初泮冰春陰尙閣樓三層青瓊積冷蘊書味

黃花隔年窺夜鏡髮短著風影零亂骨瘦把鏡山峻嶒

遠鐘敲落樹頭月物理靜悟南窗馮

卽日

蕪蕪草色春風前渡頭老屋圍溪田牛羊鼓腹犬高臥

唯有白鷗饑看天

雲閒寓齋和施譜南離

枯藤古柏龍蛇胎開軒勢與人低徊亭樹閃浦東日

點點雨歇山南雷清琴罷彈絕影響白石亂煮消崔嵬

雲間夏水綠復滿曷不載酒攜櫻梅

怡園

藤走修蛇影苔披古佛衣背亭山石負涉趣水風微綠  
竹媚當晚春城晴見稀天涯魂欲斷胡蝶故飛飛

道堅示交河道上詩卽和

風色盪遼海彈琴多苦音離奇看北斗束縛賸秋心俠  
吐幽燕氣交辭管鮑金蘇臺涼意滿却好對披襟  
真龍難見賞徒見葉公多回首恩讐事乾坤速老何遑  
舟渺何許一葉澄江波不盡蒼茫感如聞敕勒歌

公周以習射詩見眎并約游虞山劍門病不果往

告廬詩卷二

九

公子勇不敢射堂開自由笑談天下事俯仰劍門秋詩  
厭浮名啖狂將爛醉求金貂誰更解商略鑑湖游

葭菼秋連屋巖巒翠擁書興來君命酒此樂我知魚臥  
病三吳渺乘槎八月虛生涯唯一孀蓬髻晚風梳

丙戌九月十二日瘦羊博士招同人至虎阜爲倪

雲臞大令壽分得望字

心共孤雲流眼謝俗塵望挽舟江柳情留客沙鷗狀薄  
游秋雨後古綠坐寒漲倪迂詩勁瘦石骨等無恙足跡  
徧天下所欠唯酒量三蕉我長技薄醉未敢讓尋山動  
隨趣舟遶步亦當泉聲穿石竇山腹吐平曠檜空屋數

椽花徑雲一巷烏鳴煙樹出風落樓鐘撞眞娘墓蕭瑟  
生公法淪喪粉黛化爲土頑石森成行古懷當日暮歸  
路別層嶂鄰舟出歌妓修眉遠山樣跌宕琵琶聲按拍  
和高唱秋水春融融一船坐天上

倪雲隴冰天躍馬圖

揮鞭似打天山圍漢家大將今數誰堅冰在須雪沒脛  
得意更揚裴岑碑

坐生髀肉中心憂躍馬豈必求封侯礮穿盾鼻君莫笑  
箸書歸去還騎牛

種竹

岳廬詩卷二

十

種竹澹吾慮移居十月初戴天同俯仰租地養扶疏塵  
洗室生白影寒風過虛牆頭擘明月高節欲師渠

瘦羊贈汪卽亭侍郎鳴鑾手拓石鼓精本

卽亭剝水洗石鼓璣蠟登登忘辛苦天一閣本付劫灰  
楮墨如此前無古更喜殘字經搜剔欲媿麟經存夏五  
頗怪當日向傳師礮缺珊瑚何莽鹵白科未掘先作白  
碎玉剖珠咎誰主卽亭好古兼好事神物謂不一二數  
太學有公不寂寞講解切磋日卓午鼓高尺餘類柱礎  
想見拓時肘著土心儀文字十餘載思得翠墨縣環堵  
瘦羊博士今斯翁下筆欲剝生龍虎謂此石刻史籀遺

伯仲號般與曾盪嫌我刻印奇未能持贈一助吳剛斧  
雖較明拓缺氏鮮勝處分明露釵股韓歌蘇筆論久定  
歐疑萬駁辨何補昌黎楮本今難求有此精拓色可舞  
儀徵讓老虞山楊作者同時奉初祖邵亭莫叟尤好奇  
屈彊出之翻媚嫵後學入手難置辭但覺元氣培臍腑  
從茲刻畫年復年心摹手追力愈努葑溪新居南園鄰  
種竹迤花滿庭戶清光日照臨池汲乾古井礪黃武  
時以黃武  
磚爲硯

沈六琴先生江曲書莊圖文孫詠韶廷鋪索題

莊荒屯白雲巷貧積古雪插架書崔嵬閉戶自怡悅求

缶廬詩卷二

七

解看青天校讐過白日惜哉讀書人委化類蟬脫魂歸  
蜺江曲楓樹暮蕭瑟咸同烽火惡歷劫到蟻蝨典冊神  
扶持無恙出精室有子抱遺經有孫守箸述手澤古斑  
斑摩抄補亡失潘師艷君學燕池先生書札報我悉新詩擲

地聞字字耐咀齧佳句如何法難得陰鏗說笑我書未  
讀翻好讀碑碣到老不識字談詩坐蝻舌唯君性野樸  
趣與風塵別金石誰敢論媿爾錚錚鐵缶廬枉駕頻聽  
竹弄蕭屑行將挂帆去觀書破愁疾思君一鑑清肝腸  
夜深熱

石友以象筍寄惠書中謂常熟飢民數百食大戶

縣令閉城拒之有感而作卽以誌謝

不學涪翁一心咒喜逢石友數筐貽頑痰乍減筋骸活  
對案今朝一展眉

伊誰象筍錫嘉名風味橫舒齒頰馨忽憶飢民無告苦  
兩窗扶病讀西銘

猿翁先生命題孤松獨柏圖

蒼雲歸無侶江湖舊有莊狂名滿人口長物一詩囊冷  
台辭官去飢猶弄筆忙涼秋好風色瑟瑟動衣裳  
戰文誰敢塵入世重孤標松柏一以古歲寒同宋寥愁  
將書下酒高想樹縣瓢獨我吳門客年年吹鐵簫

岳廬詩卷二

三

南翔

舟聽雨忽止南翔水一涯雲沈香稻粒風打木棉花餘  
布衣成晚枯茅屋補斜官租完也未忍去問家家

哭鐵老先生

老翁賦詩南慶秋十二年前我同客勸我學游還學詩  
謂不知詩負游屐潤州詩乞中泠泉茗上詩索花乳石  
虛舟直破萬里浪人生無家詩有窟貧不知憂好食肉  
燒豬个个論肥瘠千金那買古玉售百盃願侍美人側  
看花飲酒忽不樂懷古張眸幾朝夕臥病匡牀檜瘦骨  
枕疊殘書鐙閃壁隻身委化類禪宋恍對造像拜彌勒

燕園詩好幸重遇七載恨坐雲天隔

余與先生甲戌年同客杜氏曼陀羅

館庚辰正月重遇吳下

南北東西去復來潦倒生涯情脈脈狂歌

唱徹梅樹林秋心臥冷琉璃席石頭城中誓殺賊詩人

有才期報國

先生陷賊中與張某上書當道謀爲內應後機洩先生跳

當年壯志天

未成地下長吁起魂魄

### 十二友詩

一房山插十二峯吸翠躍起龍湖龍高吟直和郢中唱

古貌壓倒牆頭松聞瓦甃道在朝夕爲兒女忙無夏冬

悲秋一病遽作古數典問字吾誰從

吳瘦綠先生

祥翁海上復見面八十餘歲顏若醅丹青暮年轉奇特

### 岳廬詩卷二

三

彝鼎間日供摩挲虬髯俠氣眼中少王宰能事門下多

游魂秋冷歸去未月黑風高難渡河

張子祥熊

橫雲畫竹風雨痕橫雲畫石怪鴟蹲潑墨黑風倒吹海

悲秋黃葉齊打門一鶴梳翎有何寄眾佛低首誰敢尊

有時閤筆發浩歎濯足頗厭申江渾

胡橫雲公壽

板屋偏仄天井圓病鶴常在螭殼眠揚州夢醒住且續

金石癖固醫難痊慣滌滌愁腸酷美酒好買花乳輸青錢

昨日一卷寄江左使我礪刀思踏天

凌病鶴霞

談詩豪情薄雲雷別君幾見梅花開記兩疊軒共食古

爲獨往客真棄才鴻飛冥冥思遠道鶴企往往臨高臺

他日宦成買茅屋相約泉明歸去來 朱頻華鏡清

山陰行者真古狂下筆力重金鼎扛忍飢慣食東坡硯  
畫水直翦吳淞江定把奇書閉戶讀敢握寸莛洪鐘撞

海風欲卷怒濤入瑤琴壁上鳴琤琮 任伯年頤

吾家老鞠瘦無恙脫帽林下看秋天閉門嬾稱逆旅客  
賣字大獲酤酒錢橫流滄海視一粟敝屣冷官拋卅年  
築耶城畔晚潮落去抱綠綺尋成連 吳鞠潭淦

蒲老竹葉大於掌畫壁古寺蒼厓邊墨汁翻衣冷猶著  
天涯作客才可憐朔風魯酒助野哭拔劍斫地歌當筵  
柴門日午叩不響雞犬一屋同高眠 蒲作英華

缶廬詩卷二

西

南湖水浸煙雨屢不能歸去南湖愁奇書下酒見青眼  
一官入世將白頭句句詩吟海上雪山山畫出雲間秋  
何日與君脫塵網去買釣艇披羊裘 楊南湖伯潤

瘦羊病鶴高自由結交又得金睛牛良醫肯居古人後  
新詩吟罷吳山秋移家別君過舊歲訪友乘興無扁舟  
遙想梅花寫尺幅月明寒水溪雲流 金睛牛彰

雙脚誤踏市井門移家茗上雞與豚獨樹當門傲五柳  
坐石醉客窪一尊抱漢晉塲當白壁識金銀氣游黃昏  
土缶持贈未及報嗚呼死別聲難吞 金俯將傑

先生慷慨非俗儒延課二子來缶廬談兵擊折鐵如意

讀書不改金根車青氈坐穿耗心血白雞夢惡死背疽  
斗醪設祭蕭寺晚月明滴淚枯方諸

王竹君瑣

饑看天圖自題

造物本愛我墮地爲丈夫昂昂七尺軀炯炯雙青臚胡  
爲二十載日被饑來驅頻歲涉江海面目風塵枯深抱  
固窮節豁達忘嗟吁生計仗筆硯久久貧向隅典裘風  
雪候割愛時賣書賣書猶賣田殘闕皆膏腴我母咬菜  
根弄孫堂上娛我妻炊屨屨饗中無斗糶故人非絕交  
到門不降輿見笑道旁誰屠販鬃鬃須閉戶自斟酌天  
地本遽廬日月照我顏雲霧牽我裾信天鳥知命人豈

告廬詩卷二

五

鳥不如看天且聽天願天鑿我愚海內穀不熟誰繪流  
民圖天心如見憐雨粟三輔區賤子饑亦得負手游唐  
虞

哭徐韻生

韻生大令名維城丹徒人北通州籍工詩著有  
天韻堂集丙戌長至夕同飯於吳鞠潭學博寓  
齋重聽未與通語余旣出鞠潭示以余詩輒謂  
不凡卽徒步見訪漏三下矣旋於十二月十二  
日沒滬上春

秋七十二

腸古見語言骨化離世濁詩人死可噫護喪仗童僕風  
塵仰顏色作介吾老鞠耳聾音間隔對食如偶木飯罷  
返寓廬昏黑聞剝啄屢問不一對忙亂喚秉燭相見輒

論詩氣急動眉目翁好湖海游詩腸瀉珠玉皇皇天韻  
堂結想到濠濮氣壓昌黎豪響窮東野哭胡爲痴是嗜  
議論著斑駁宦情雲水捐道氣梅花覺談藝動朝夕作  
別滬江曲生別形神寒死別景光促有子客遠方寄書  
到不速海風吹石苔桐棺臥寒綠知己唯有詩北邙弔  
幽獨鐙殘夢老態風冷貂裘禿

晚潮

早潮渾渾晚潮大波心一舟如轉礮燈火厯亂人叫號  
聞說商人帶私貨

私貨騰踏巡丁舞關吏得錢工自數皇皇禁令堂上縣

岳廬詩卷二

夫

罰例倍十還倍五

畚紫明先生

不第再上書歸作茗上客同時顯達輩相見判行蹟遠  
道念故人寄書達消息秋風梳肺肝多病苦岑宋人生  
無病眼漆黑不如臥病枕書籍臥病讀書心體閒中有  
萬古千秋之朝夕嗟我東西南北苦行役貧典我書病  
我瘡被饑驅向海上行短權飄零百憂歷那及先生病  
起看白雲玉磬峯頭駐游屐回首雲龍天一涯短句吟  
成淚霑臆

謝沈公周瑾贈赤烏殘博

虞山蒼蒼海東落有美一人占邱壑搜詩山鬼長夜愁  
著屐樾花早春約赤烏殘磚偶拾得寄窮措大勝金錯  
七年吳冢誰造作封題未拆先摸索文字刻露森芒角  
若蠻夷印快刀鑿紫髯碧眼英雄姿江東一隅受兄託  
拒曹赤壁神鬼驚烽火倉皇竄鼠雀繞樹三市烏南飛  
非爾族類任飄泊後七年夏吳祚衰太元二年二月改元神鳳夏四月權薨  
改元神鳳鳥不若得無累爾築蔣陵筆畫殘經匠手  
斫岳廬臧臂舊有此金大論交重一諾謂俯將製作較薄  
文較嚴琢硯用之久長樂脫本入手雙鳥銀嘉惠平生  
敢忘却寄書想見三摩抄愛我疏狂不我噓只愁荒倉

岳廬詩卷二

七

字不識病人膏肓無可藥冷淡生涯且礪墨應門喚起  
梅邊鶴赤烏赤烏饑莫唬伴爾空山食藜藿

有贈

聽老江南雨唳乾渡口鴨春潮添遠浦梅樹落新花碧  
玉尊前淚黃金夢裏家天涯同惜別苦調入琵琶

贈萬澗民釗

老澗飄零客尋山憶去秋旅情春雁入活計破書求萬  
事寵爲下卑官貧不愁滄江風日晚與爾狎沙鷗

題畫

酷酒怡白雲吹笛坐黃犢江花泊岸紅山雨下庭綠

松隱閣讀書圖爲沈伯雲慶雲題

老松穿牆頭破寺官然古寓公喜讀書我客僧爲主讀  
罷風寥寥濤聲滿窗戶坐根青銅冷攪案老龍舞鐘動  
日卓午面壁僧三五擁書共息影誰識蘊頭苦況經喪  
亂來晚境蹙難補馮公閉側竇董子闌荒圃好學同此  
心古人應識汝我書付劫火我隱迷處所種樹欲買山  
療饑定拾芋摩抄沒字碑識字能幾許共在風塵中相  
對慰逆旅題詩松影寒颯爽來如雨

何熙伯汝穆夢家山圖

孤枕聽晨鐘寒風動旅館游子有所思夢醒張兩眼有

岳廬詩卷二

六

家未之返故鄉千里遠生長大江南欲歸苦無伴家山  
夢裏見門巷荆棘滿富貴何所求那不失初算識子吹  
簫市襟裊塵不澣弄筆數年久依人兩滄飯讀畫亂我  
心歸思亦難緩蕪園釀風雨白屋照書簡浮家無定所  
況復鄉夢斷好夢子善持春夜良苦短淮山與淮水清  
絕天下罕曷不載犢車還山共雞犬

吳伯滔涖贈山水障索寫梅花

堂上松樹生十圍涖老不畫還數誰平生好古有今日  
讀書如讀索靖碑江湖散人時來往石門老屋寒可想  
梅花落筆下乘禪唯粥飯僧能配享

鐘脚論詩圖爲茶礪山人汪芑題

山人圖中與論詩者不知何人所論亦不知何  
詩子與山人論詩往往不甚合此圖中相對而  
絮絮者知非予也惜未之間  
事後思之不覺啞然失笑

空山野梅樹冰雪鍊詩才劫火驅人至茅堂卜勝開寒  
消邨外社屐破水邊苔卽得田園樂桃花更補栽

岳廬詩卷二

九

岳廬詩卷第三

安吉吳俊卿倉碩

和鐵老

往事劍三尺老懷萍一根游傷金粉地歸憶苧蘿邨月  
白淺斟酒水涼深閉門吟詩墮餘響於邑暮蟬吞

對酒

燈昏未昏晨鐘撞月落不落橫紙窗我歌宋寔少人聽  
擬抱銅琶彈過江

富馬禪犀瑞熙

詩好偶然得如琴難再彈避讒才不露作尉醉相看夢

岳廬詩卷三

一

醒白雲抱饑來秋鞠餐自娛岑寂處海色照書攤

沈楚臣紹梁迢居安吉西郭

菜畦闕處種桑麻託命長鑱伴歲華且住湖州安吉縣  
繞門流水桂之花剡溪風雪游乘興天姥雲霓夢到家  
技蚌幾回談往事吹笳礮盾好生涯

丁亥八月廿七日贈內

山妻四十明朝過往事低徊倍可嗟曾把鋤犁規老圃  
更持門戶向天涯織縑出入添裙布喫墨零星墮齒牙  
醉眼却逢秋雨歇節南山影在煙霞

寄巖履安表叔泰

立錐之地如贅疣先生寄影唯破屢興來豪飲三百甌  
醉後意氣輕王侯傲裘典盡寒不愁老妻定是梅花儔  
有女有女勤梳頭以水作鏡臨溪流東野失子休自讐  
再索或得孫仲謀天定不煩人更籌貧居又過今年秋  
陋習可笑吾山陬食以耳者張兩眸讀書幾輩聲咿謳  
作橫鄉里富可求旣富樂與屠酤游那識世有貞之郵  
先生憊矣神休休棘手且弗鬼怪囚芝里邨畔騎黃牛  
飲泉一竇棲一邱

書犀禪金粟閣詩稿後

讀書好友不可及作客年年況忍饑有母黯愁秋髮白

告廬詩卷三

二

一官閒看熱雲飛汴城懷古詩霏玉函谷驅風冷入衣  
我欲約君談舊學天涯行路幾時歸

偕沈福庭胙游平山堂和乳伯先生

林鴉飛帶夕陽姿終古揚州月上遲醉尉自攜千日酒  
青山來弔六朝祠人經浩劫還貪佛僧抱寒雲慣說詩  
松樹十年聞手植西風鱗甲動之而

殘碑斷碣摩抄讀仄徑長林窈窕攀識字今朝容我輩  
助人前度此江山淮南雲日帆拖錦海角沙蕪雁入關  
蠟屐衝寒期盡興莫教潭影照離顏

小金山

小金山絕頂亭子浮雲齊夕照迢迢嶺莓苔步步梯長  
淮老風色衰柳古隋隄憶昔繁華景難禁烏夜啼

京口

京口月明船不講大江東去天無涯便須挂席翦滄海  
擊楫和以銅琵琶

逆風

逆風船下古唯亭一堦崑山駐晚晴坐我無聊思酒盞  
迎人欲笑見江城狐蹲渡口聽冰解犬踏波心吠月明  
好景前邨今夜宿櫓聲如雁落三更

移居舟中贈季仙

缶廬詩卷三

三

蘇兒索果壺兒爭福兒欲攫螻臂檉兄弟羅歡至性古  
雞犬富有迤居榮謂我何求金石刻善抱不脫風波聲  
來日大難爾弗厭會計鹽米持權衡  
萬閒廣廈何足貪東坡只羨彌陀龕書生習氣儘吾有  
老姑食性唯爾諳荒荒大野揮涕淚泛泛一水游東南  
蕪園花鳥待歸去苦鐵之苦終回甘

泊南翔尋檀園舊址不見

聞說檀園廢來尋雨雪深破裘披短後虛籟畚長吟問  
訊迷風竹知寒聽水禽黃昏理歸櫂興發似山陰

又一邨看梅

危亭勢揖人頑石默不語風吹梅樹花著衣幻作雨池  
上鶴梳翎寒煙白縷縷

聞石墨度歲永康得來書喜返權羨湖作詩寄之  
永康山水縣游徧莫蹉跎令叔文翁輩蒼顏道氣多篝  
燈話風俗古意入詩歌聞道鄉心緩殘年客裏過

負米言歸日中庭梅樹花帆收東浙雨衣帶赤城霞市  
上夜呼酒鑪頭風熱茶吟朋聊慰汝崔顥昨還家

時崔懷瑾

自滬  
濱歸

雨中

屋子小牽艇雨聲低闕雷明朝過寒食卽景是黃梅抱

告廬詩卷三

四

朴空凡好居貧教不才鄉心無處著行繞亂書堆

宿田家

柰此月明夜愁難對酒銷人煙秋古澹風色柳蕭條屋  
冷依平楚門喧抵暮潮天機何處覓側耳聽魚跳

飲南墅諸老

射眼滄波冷橫秋老鞠香林風對溫酒處處古重陽柳  
折脆如蕩鐘鳴催落霜淹留非我願此會益神傷

將之滬上留別藜翁先生

揮豪不暇矐病臂冑辭僵七十年至精神自在彊談  
經推祭酒識字臙中郎鑿壁分燈火愁余別草堂

坐上客無佛人中公是龍乾坤礙疆項金石飽羅胸白  
髮秋逾落名心老更慵滄波回首處明日在吳淞  
鶴澗詩龕圖爲澗民題

揖別香鑪峯來吟鶴澗松離奇詩作虎上下爾猶龍遠  
水當門落幽棲鑿壁容蒲團篝火坐高詠到晨鐘  
畫裏尋靴跡吾生歎不如殘年莽風雪一舸又迤居古  
調論詩晚衰顏入夢初縣知孤嶼鶴來往不生疏

題水閣

雪聲雨聲窗紙喧夢醒獨坐花南邊撞鑼巡夜警兩耳  
搖鼓賣糖爭一錢因人自覺驢技短顧影正舞雞鳴先

缶廬詩卷三

五

狂來慎弗歌偈仄脚底且任魚龍眠

滬北道中遇大雷雨

利鏃著衣雨黑塵吹海風人容雞鬥敗車力馬騰空物  
長春雷外寒生暝色中此時思大厦十倍杜陵翁

天津三烈婦詩

先皇昔中興風化及閨闈天津一隅地七年見三烈王  
兆霖婦金割股療夫疾初割夫病愈再割命難脫鬼伯  
肆殘刻恩愛中路割藁礎返無期鸞鏡殘月缺兒女無  
可戀香魂去飄忽當其割股時一死志早決天地見握  
刃凝脂脆寒餓血痕漬羅襦神鬼爲凜慄藥鏹一鬻肌

絜逾太華雪中幘有至性聞者肝腸熱慶蘭妻氏周夫  
死姑白髮含淚代子職聊慰姑慘怛嚶嚶雄雞鳴寒風  
吹燈滅旭日照帷幙問膳侍梳櫛熒熒孤棲鵠返哺比  
烏切堂上姑身健地下夫目閉長年易悲損一病赴冥  
洸高堂冷盤匱徒爾守苦節從容就大義白日貫雌蜺  
痛姑實殉夫甘碎金石質黃泉聚骨肉遠勝生離別孝  
至情亦盡千古名矧肆王恩歡妻金嫁夫隨遠出遙遙  
別桑梓旅食江湖濶日暮登高樓翹首故鄉月鴛鴦一  
朝隻夫壻嗟不祿銜哀載桐棺衝霜待明發登山蟻斷  
腸穿樹鵲啼血關河路千百故里返新骨出如花並蒂

缶廬詩卷三

六

歸比草獨活嗟嗟未亡人大事既已畢生前比翼鳥死  
願卽同穴安排一坏土與世永決絕青燐聚熒熒長夜  
雲如漆三烈魂同游落木風颯颯嗚呼烈婦烈鼎足立  
天日先後事不同絕粒死則一啾啾胃神哭飢蟲齧腸  
裂乾坤繫綱常閒氣偶一泄至今二十載萬口尙傳說  
熙朝盛文學豈乏燕許筆南山石嶙峋書作墳上碣

潛園

竹瘦依人老山寒比佛尊裴回孤鶴下笑語一池温  
架書連屋蘋州水到門再來愁失路題句古松根

棧壁山

兩過靜鳴蟬蒼蒼古木煙泉聲飛半壁山勢抱圓天屋  
小編黃竹民良稅薄田草堂應待我歸思碧蘿牽

容賦上海西郭紅芙蓉盛放作英要清曉往觀同作

古鏡開池水荒條抗草廬秋光紅莫辨朝日與芙蓉人  
影衝鷺鷥歌聲識捕魚相期湖上宅菱藕雜盤蔬

容賦衛鑄生鑄將赴新架坡出南游話別圖屬題

鑄老下筆騰蛟虬鑄老放筆唯好游昨日之日踏東海  
發興又復乘清秋雲帆直指南荒野行色倉皇滬城下  
檳榔之嶼新架坡上當赤道蒸炎赭地氣人俗異中土  
從來名士至者寡君獨往游恣絕鑿豪情不減揚州鶴

缶廬詩卷三

七

噫吁噉丈夫不封萬戶侯當行萬里路天涯海角未云  
遙大塊茫茫幾朝暮

容賦滬雨

滬雨天難補窮秋穀不新囊空乞米帖飢聚告荒人魍  
魅登樓喜鼃龍見日噴近聞下南明詔澤國賑災民

容賦遲鴻軒呈藜翁先生

到眼無長物登堂類古初奇文諸子筆餘事八分書迎  
客屣倒著說詩頭爛梳原非甘肉食休笑出無車

容賦田家

溪淺樓根插雲深鳥蹟棲長林風濯濯碎石響畦畦雨

過亭窺竹庭喧壁墮泥枯桑伴寒色粥粥下荒雞

歲暮口占

珍重曹瞞對酒歌光陰殘臘又消磨救時藥少三年艾  
學道禽虛一目羅夜夜海潮醒夢蚤層層襪被裏愁多  
此身朽木休同視曾伴梅花宿澗阿

贈澗民

香葉茶禪別淚彈眼前唯賸酒盃寬讀書靖節不求解  
伴鶴林逋如此寒坐比遼東穿木榻游拚海上拂魚竿  
何年握手詩龕去白石青蕪澗底餐

予索伯年畫照題曰酸寒尉像頂涼冒衣紗袍袿

岳廬詩卷三

八

端立拱手厥狀可哂與予相識者皆指曰此吳  
苦鐵也因題詩寫意并以自嘲

達官處堂皇小吏走炎暑束帶趨轅門三伏汗如雨傳  
呼乃敢入心氣先懾沮問言見何事欲答防齟齬自知  
酸寒態恐觸大府怒怵惕強支吾垂手身偃僂朝食嗟  
未飽卓卓日當午中年類衰老要腳苦酸楚山陰子任  
子擊力鼎可舉楮墨傳意態筆下有千古寫此欲奚爲  
憐我宦情苦我昔秀才時食貧未敢吐破綻儒衣冠讀  
書守環堵願言竊微祿奉母有酒脯銅符不繫肘虛秩  
竟何補枉自刻私印山石遭鑿斧名留書畫上丹篆粲

龍虎回思蕪園裏青草塞廢圃咫尺不得歸夢倚故園  
樹逐眾強犇馳低頭讓儕伍如何反招妬攻擊劇刀弩  
魑魅喜弄人鬱鬱悲藏腑拂壁挂吾像飲之以薄醕顧  
影醕無數兀然自賓主權作醉尉看持盃相爾汝

己丑寒食

此哭育兒作也育兒蚤慧解文辭讀書能索古  
人意旨年十六亟疾卒於滬施子明惜之爲作  
哀辭

寒食東風吹郭門孟郊哭子淚潛吞一千日醉謀之酒  
十六歲憐飄汝魂母歆機聲眼閣底弟搜詩句歷牆想  
臨殘石鼓還聽雨如聽商量屋漏痕

告廬詩卷三

九

煮石

煮石飢難療談瀛夢可牽時艱猶抱一道在只看天家  
倚吳洲上田辭椒鬲邊

新得椒氏鬲拓本  
鬲文皆訟田事

黃華摘盈把

且賞義熙年

舟中書感

蟹舍漁邨一夜霜江南水濶樹微茫狂游路仗孤舟識  
多病身爲直氣傷兄弟獨無憂用老雲山雖好別來荒  
不如歸去尋生活數畝湖田種秫桑

陶柳門甄權釐堦港屬書蝸寄盦額詩以媵之

竹掃風潮入屏牽浦樹橫雲歸尊底綠花暖堦灣晴跌

宕過人日飲隘老宦情著書蝸殼內一笑淡微名

譚復堂疏柳斜陽填詞圖

復堂詞料何蕭瑟滿眼寒蕪日影低茅屋設門空掩水  
柳眼穿壁勢擎溪倚聲律細推紅友問字車多碾白隄  
最好西湖聽按拍酒船撐破碧玻瓈

贈復堂先生

種柳紅塵隔填詞白屋溫天寬容故我地闌閉閒門冷  
抱篋中集涼開湖上尊歸來陶靖節松菊想猶存

送郭晚香孝廉傳璞主講瓊臺書院

聞說瓊臺水氣中草痕吹綠仗春風名臣傳續海忠介

缶廬詩卷三

十

謫宦魂招蘇長公酒瀉柳盃消瘴母經開榕社化黎童  
眼前別意馮誰數垂柳垂楊遍浦東

疆飯

疆飯能驅病禁寒慣典衣打頭朝雨下梳髮旅塵飛潮  
影白沈屋石苔青刺扉無人慰寥落梁燕故依依

贈廖莪泉丈綸

我思徧訪摩崖刻無奈吁嗟蜀道難道氣逼真梅樹古  
童顏如飽茯苓餐偶醒鄉夢吟初穩快讀奇碑拓未乾  
誰識眼中滄海小幾回來把釣魚竿

金孝女詩

至性屬巾幗堅若石之砥母喪父不娶事父不離跬拋  
鏡事炊汲篝燈繡羅綺弟書熟躬課父目明舌舐艱難  
任一身甘旨具十指立誓不字人四十在室死古人誰  
媿美北宮嬰兒子男兒絕裾者無迺類有泚

劍門空矜詩思圖

蜀中山水天下奇空矜之峽尤險巖懸崖絕壁蝮鳥悲  
瀑布百丈垂虹霓古人題詩不可見想見白雲如雪飛  
老劍蹤跡半天下石棧千盤思躍馬紀游詩卷牛腰粗  
胸中勝境圖中寫披圖令我神灑灑世上浮名如斷瓦  
何時三峽飛一舸更尋子美舊草堂浣花溪上同君坐

岳廬詩卷三

十一

登大觀亭弔余忠宣墓

余闕初諡文忠明初改諡忠宣按元史城  
破闕引刀自剄墮清池塘中妻子俱殉

皖山伏生龍草木氣鬱蒼嶺表塵霧收步出西城岡江  
寒浩蕩浮亭翼高空翔有元余忠宣古墓秋草黃當時  
守孤城血戰愁三光外無片甲援羣盜如豺狼城陷抽  
鞞刀身墮清水塘讀公青陽集浩氣扶綱常雄才非文  
人誰例鮑謝行小吏貪賦詩氣骨能開張千里一櫂游  
船載李賀囊狂態公弗嫌來夢倘見商藤昏徑偏仄雲  
白秋蒼茫濤崩采石風木落蕪湖霜澗水響鳴咽月墮  
天荒荒

琴河聽雨圖爲張蓉沚

獨往客何好高吟才不凡江湖無老屋歸去少長鑱雲  
板破山寺天風拂水巖愁人聽不得況著雨聲攙

哭紫明先生

庚寅三月八日紫明先生病歿京師歸安戴笠  
青孝廉翊清集賻歸櫬餘資謀刻詩文遺稿

今春上長安行李載一肩破書高過身瘦骨風塵顏逆  
旅坐相對強飯殊昔年名心病不已仰視蒼蒼天風雨  
送登程別淚雙眼填黃浦三月暮綠樹悽悽啼鷓鴣惡耗傳  
江南孤情天北懸豈意此一別遽盡今生緣臨風哭失  
聲失聲摧心肝

岳廬詩卷三

三

無子不足悲無家何所因悽悽骨肉情翻若陌路人魂  
欲藏故山葬喪誰發仁臥棺古寺旁野鬼啾啾鄰平生  
南北游帆敝車摧輪劉黃例不第阮藉長噫貧貧病久  
見欺道蹇竟沒身哭位淚已枯挽歌喉不伸燈昏夜雨  
疾窗竹聲斷斷

四月北鴻至發書感盛情仗義戴孝廉集賻歸遺形歸  
途計餘資遺集鐫可成相將理行篋賸稿飛零星夫子  
詩若文今世誰許鳴藪叟撥朱弦彈作古調聽藪叟我  
師範戴子吾友朋知音所貴稀千載留芳馨銘旌魂飄  
飄蓋棺天冥冥悲哉金石軀一朝殉浮名

飲魏塘田家

樂喧瓠缶會高朋紫芋青蒲爛熟蒸在手酒盃酬老圃  
戴頭花朵摘秋藤犬聲號斷穿林月牛鼻噴翻挂壁燈  
輸爾南邨先卜宅魏塘亭子覬吳興

哭香禪居士

自哭香禪死吟詩句不成抱殘金石刻來夢水風聲

題聽風聽水填詞圖塵冷北窗榻書遺南面城汪倫應把臂

謂茶磨

泉路重交情

鄣吳邨詩夢中作

玉華峯抱天梯入石馬嶺登樵徑通川湧似翻斜谷出

告廬詩卷三

三

邨虛還墮劫灰中耕荒叱叱驅晨犢倚樹沙沙落晚蟲  
秋興蒼涼吟不得年年樓鳳失梧桐

庚寅十一月奉檄赴粥廠給流勾綿衣

黃綿布襖稱身裁勾者胡盧笑口開隨意且游簫市去  
有人曾食肉糜來送窮韓愈翻多事辟穀留侯太費才  
噉爾一聲聽不得嗷嗷肯作雁鴻哀

寄公周

命酒伸豪氣圍鑪暖曲身屋輝投海月愁散憶詩人矯  
首霜中樹論才帝外臣何時理芒屨江路躡春申

尋興

白鳥翻寒色紅旗凍朔風  
點車潮上下尋興郭西東  
隱者柳盈戶菜傭園數弓  
平生論活計遲爾信天翁

曉渡黃浦

曙色海南邊雲濤裹萬千  
江豨吞落月塞雁點寒天  
草淺泥沙沒帆深浦渚牽  
縱由鷗別去我與我周旋

和石墨皋橋之作

墨侯古狷者肥遯皋橋邨  
看鳥踏林雪聽風排海門  
夜長詩擬古愁破酒添温  
醉抱枕頭卧離竒老樹根

除夕寓廬展拜先人遺像泣賦二首

辛酉小除日半山隨大人

半山在孝豐東鄉

飢分暖食果險與

缶廬詩卷三

古

鬼爲鄰廿載嗟無怙他鄉  
苦食貧畫圖重展拜梅樹亦  
靈椿

壬戌立秋節慈親病不瘳  
無棺埋石塢有妹哭山頭  
亂定孤兒返攜鋤白骨收  
卽今翻作客淚眼背松楸

野梅

梅花照影清淺溪玲瓏碎  
玉嵌玻璃日斜人影亦在水  
驚醒翠禽悽一啼

蓮塘曲

蓮葉古鏡秋波貯蓮花古  
月秋風舉古月古鏡顏色  
好拍拍鴛鴦照同處

蓮子苦心儂苦口儂心有節比秋薄盼郎歸時乘早潮  
潮來不來黃昏後

石墨小像

道人種松樹一徑莓苔侵大有箸書意非徒抱膝吟浮  
雲過白眼古調拋青琴省識蕭寥趣趣龍湖深更深

周萊仙買醉圖

不醉無歸去滄江浩蕩遊酒杯似明月照著滿身秋伴  
逐持螯卓狂吟荷鋤劉吾鄉比風趣老輩一榆樓

生居榆蔭樓  
自號酒奚

沈稷臣先生瑚寶黃華共醉圖

告廬詩卷三

五

一粟閭前三兩邨東塗西抹酒盈樽秋風醉倒無人管  
一个微官比佛尊

薄秩無多夠酒錢夕陽扶醉綺羅天商量蘆子城邊屋  
且爲黃華住一年

病中寄馮梓臣鋒

聽雨作僵卧方牀牢結繩藥煙浮古屋海氣壓昏燈雨  
大眼看破一寒愁病增平生杯在手羨爾客無能

白菊

秋菊燦然白入門無點塵蒼黃能不染骨相本來眞近  
海生明月清談接晉人漫將酤酒去看到歲朝春

浦東農家

貧居有餘樂來日漫興悲酒色鵝兒似山形豆子爲錢  
荒爭賣犢牀弊穩支龜守拙無過此陶潛詫爾誰

立雪閣和梓臣韻卽示真參僧

柳眼盼新晴如人渴睡醒涉江官渡晚題竹佛燈青齋  
散鳥求食月明魚聽經客歸門掩處應有白雲停

藜翁先生命題鄉先輩嚴修能先生自寫文稿

乾嘉老輩漸云徂手稿清腴玉不如茗上劫灰如可撥  
榆樓尤重擘窠書

先生工書榆蔭樓額卽其手筆

蘆簾土銜移居日盧

抱經玉錢江梁山舟

辨難時一卷娛

缶廬詩卷三

三

親眞性在吳羗山色對舒眉

著作空傳子若孫等閒難妥一詩魂搜羅賸有潛園在  
存齋觀察爲刻著作數種風雨擎舟石冢邨

文章骨相演羣經讀罷渾如擁百城眼福突過了處士  
來書謂丁月河處士屢欲段觀是冊而未果寓庸齋內老門生

立雪閣僧招飲

老孀看雲僧招予佛寺行渴消憑酒力詩在得狂名多  
竹門難款無山氣已清龍華一片月只隔水盈盈

吳秋農穀祥瓶山畫隱圖

水石師王宰丹青眞跡留言尋缶居士共語瓶山頭落

葉燈前雨披襟天下秋嗟予湖海興孤負白蘋洲

贈萬蘋波

十月北風作天晴唳曉鴉孤帆懸碧落一浪捲蘆花有  
客詩爲壽無貂酒竟賒蘋波添幾頃忘却浮家

卽事

范蠡辭西子陶潛戀北窗葉黃乾著樹潮黑力翻江飲  
水自然飽一寒誰見雙吳儂拚夜讌踏鼓聽逢逢

楊南湖語石齋圖

詩空杜陵叟畫割吳洲雲聞着南湖法石頭張一軍禪  
心通虎阜真相識羊羣袍笏供誰拜頑然倚夕曛

岳廬詩卷三

七

會吳彥復保初

一彈再三嘆海上獨攜琴醉尉悲無酒成連識此心懷  
人坐中夜寄淚託長吟問訊春江水平離情深更深

船西潞河道中寄詩率會

楊邨楊柳青雨歇片雲停北轍碾書上南風吹酒醒絨  
魚天籟入唳雁野煙冥珍重陰鏗什迢迢抱性靈

岳廬詩卷第四

安吉吳俊卿蒼碩

苦寒吟

黃浦岸裂一丈冰千船萬艘膠沙汀大雪壓屋屋欲傾  
朔風猛力吹使凝貧家斷炊米罄瓶山芋豆腐調作羹  
十指凍折號失聲飢腸輾轉不住鳴道旁日見僵尸橫  
大官賞雪臨高廳狐裘貂帽黃金觥笙歌拂雲開畫屏  
惡詩一官悲填膺作詩奏事求天晴願彼蒼天顧窮民  
陽和煦物萬物生

安吉城東馬家瀆南有谿有亭酌水談詩趺坐爲

岳廬詩卷四

一

樂畫此一尋歸興

萬竹拱一亭位置得其所調琴浙歷風聽秋蕭屑雨却  
後問池館少此未焦土漫云歸去來畫成已辛苦

歸老顯亭圖藁翁先生命寫

顯山高入雲中有顯亭長星霜別來久遠作歸與想行  
年七十五健步不殊曩常抱石酒尊醉倚碧崧上煩濁  
風洗滌視聽煙莽蒼鑿影碧浪俯感舊榆樓仰風味我  
遙憶畫畢把自賞賦詩重行行看策先生杖

徐青藤春柳遊魚

活潑濠濮魚撩亂浦澈柳大力不運擊高處懸著肘青

藤得天厚翻謂能亦醜學步幾何人墮落天之後所以  
板橋叟僅作門下狗

任伯年爲畫歸田圖戲題

長饒白木柄飽飯青雕胡生計昔如此田園無處蕪而  
今一行吏轉負十年租何由陶潛菊籬邊對酒壺

采桑圖爲季仙

帚布不完頭不梳柔條采采葉扶疏幽風圖裏勞人在  
夫婿媮閒好讀書

春蠶絲吐如銀白織就寒衣盡室溫軋軋機聲鐙影裏  
女兒新婦共黃昏

岳廬詩卷四

二

石壁精舍

雲孤依碧落落老結春冰面此石壁者不知何代僧梵  
音沈遠壑初地絡枯藤好夢如仙鶴梅邊喚不應  
到此難爲別奇觀盡古吳草頭春雁沒風色太湖孤冷  
趣聽泉得高談見佛無茲遊有仙骨何必問方壺

元墓還元閣題壁

還元閣面太湖尾三萬頃湖如一家刺史墓門梅樹古  
邠鐘文字子孫誇

邠公經鐘爲  
鎮山之寶

經聲冷護巢松鶴藤影

青隨赴壑蛇詩好定教呈佛看阿師高興漫籠紗

書旅站

發粟輸錢拯水災  
津梨汾酒玷新開  
臙脂北地鷓鴣出  
豆莢西風馬嚼來  
古道入雲高種柳  
平沙積雨莽生苔  
碓聲何處催人老  
逼耳填胸一片哀

旅館雨夜

韜晦靡不可其如吟興狂  
客無樓聽雨心與月同光  
燭滅鼠穿牖礫旋驢進房  
西山何日霽高步躡芬芳

張辟非度松隱小像

松濤寒擁讀書樓  
忍餓空山自校讐  
一任貴人工下拜  
去如東野不回頭

老能卻食健腰脚  
貧不干人隱姓名  
塵世直教無我相

岳廬詩卷四

三

武梁祠裏古先生

石

石頭頑如此天上謫  
遙星落落丈人行  
離離秋海萍護  
寒一林屋鑿空  
萬山青獨抱秋心  
臥談禪不耐聽

暴方子式昭山民送米圖

折腰陶令饑頻歲  
乞米魯公書數行  
輸與微官貧不死  
側身天地抱餘糧

贈米渾如贈白雲  
忍饑迢遞逐鷗羣  
天涯蹤跡重游到  
山色湖光待使君

羊河口望秦皇島

角聲寒瑟瑟策馬天山陰熊虎旌旗色龍蛇戰鬥心塞  
扶秋柳活雨挾大河淫諸將安危繫臨關思不禁  
礪盾詩藏拙椎牛酒散愁秦皇開一島越客幾回頭地  
勢旋滄海天河瀑戍樓平生吐幽鬱底事說封侯

蘆臺秋望

旗翻龍虎日邊來咫尺天門軼蕩開萬里秋光看不盡  
獨披風帽上蘆臺

荒坵

荒坵當門水層陰背郭峯壑冰狐聽老兵氣雁知凶噉  
餅名何補澆愁酒正濃蒼涼娛薄醉來倚兩三松

岳廬詩卷四

四

書削觚廬印存後

裹飯尋碑苦不才紅崖碧落莽青泐鐵書直許秦丞相  
陳鄧藩籬擺脫來

銅斑玉血摩抄去外獎當前誓不聞風雨吾廬成獨破  
了無人到一書帚

岐陽鼓破琅玕裂治石多能識字難瓦甍幸饒秦漢意  
乾坤道在一盤桓

鑿窺弔器鑄泥封老子精神本似龍隻手儻扶金石刻  
茫茫人海且藏鋒

謝顧鶴逸麟士贈石卽書玉龜室圖後

一卷虎阜分來石奇似蓬萊刺海中正欲談禪添轉語  
玉龜室外鼠姑紅

琴趣圖

白雲遮斷峨嵋峯瑤琴一張眠古松一彈再彈雖快意  
借問冰炭誰能容

寶慈老屋圖爲趙非昔宗建題

北郭詩人勸酒樽重過老屋笑言溫鄴侯書架香如海  
何氏園林水到門文字吉翔驅魍魅春秋閒楸譙雞豚  
嗟予歲晚猶塵鞅把卷無由坐樹根

歲朝爲茶老

缶廬詩卷四

五

家無僮石儲生計殊不醜嚼雪梅邊坐調鶴階下走先  
生何許人畫者一醉叟畫成每自賞又復杯在手

舍閔闇如熙

海上春風解組袍一腔哀怨抱離騷乾坤到處詩羈滯  
腸腹經年酒洗淘醉聽談鋒蘇疾疾老從心地拔蓬蒿  
商量打漿隨漁父更訪仙源洞口桃

湯貞愍公畫醉鍾馗

老僧態雄傑大醉梨花春難得忠義筆寫此髯絕倫於  
今鬼成市白日飛青燐願公奮長劍弗使擲揄人

書石鼓弟八

柞械鳴條古意垂  
穴中爲白事堪悲  
昌黎涕淚揮難盡  
此鼓還成沒字碑

劫火已讐天一閣  
宏文阮刻費搜羅  
漫誇明拓存微字  
翠墨張皇雁鼎多

兩行小篆燦朱霞  
曾在臨邛賣酒家  
好古有人新拾得  
土痕秋碧暈落花

一曲琴心密約成  
定將私印證鴛盟  
雌雄恰似延平劍  
風雨千年許合并

緘濕紫泥封禪艸  
淚凝丹篆白頭吟  
昆吾當日鑄雙玉

告廬詩卷四

六

應費長門賣賦金

茂陵消渴爲嬋娟  
韻事空留史一編  
兩點春痕似紅豆  
相思長在赫蹏箋

左寧南揭爲子靜觀察士愷題

流寇縱橫誰夾擊  
寧南揭行督師檄  
是時江北無堅城  
江南猶存天半壁  
屢明失計數合終  
才如孫左難爲功  
紙尾將軍印如斗  
光怪夜半飛長虹

伯滔畫山水卷子

拔地壁千尺登堂松十圍  
好手吳疏林伯滔一巖壑任  
意揮氣奪迂倪放意出清湘  
奇滿紙煙霧生窅底猶莽

馳齒峯礙日出盤旋阻雲歸鳥嗟不知道暖歎隨所依  
縣厓挂秋瀑孤邨明夕暉木石古黛橫筆筆金石姿荆  
關不再作歎息知音稀披圖思故人雲樹秋披離石門  
長水邊髣髴吾家移

山水障子

一客長吟罷千年古醉醒猶龍輸老子調鶴且園丁竹  
暖須勻綠雲歸眼送青家山移髣髴直欲倚林亭  
隱居誰見招山好路迢迢石贖危亭俯松愁古雪銷段  
書陪酒殘索枕聽江潮時逝眞堪惜浮雲仰碧霄

過李紫瑛超瓊石船居賦贈

岳廬詩卷四

七

孝奉毛生檄狂追太白風石船牽岸上詩本出吳中種  
竹迷春鬼談冰苦夏蟲相期尋樂土烟水五湖東

山塘五人墓西北隅明沈忠節公廷颺墓在焉偕

石船大令訪得之

時石船  
宰元和

李侯談掌故扶醉躡荒墟直道何多讓忠魂不負渠澆  
墳杯有酒免賦澤隨車此學吾能講窮時飽讀書

虎邱狂飲贈洪鷺汀爾振

鷺老雙眸子觀空類古狂叢憂澆鹵酒閣淚坐春光僧  
磬晚何遠巖花幽更香新詩誰寄與先合弔吳閭

登虎邱偕王少谷念祖

落落東山子辭官見道心力能三自反才豈一生瘖虎  
氣談禪熟鸞花涉趣深感時同有淚端不爲登臨

贈高一山攀桂

高適真詩伯儒衣被厥躬力能供自食游亦御天風笠  
屐辭坡老山雲憇皖公宦場論動作比我益疲癯

流覽景光成二絕句

小谿深處阿誰家人面燕支水面霞細語喃喃聽未得  
隔窗妬煞碧桃花

香生羅綺薄於雲人艷花妍賦不分此是人間甚情緒  
欲嘸欲笑酒初醺

岳廬詩卷四

八

滄浪亭

白鶴沖霄舞黃鸝坐樹鳴石欹亭子破山鏟夕陽平中  
酒詩賜活臨流病眼明胸無塵一點底事濯吾纓

沈子修令弟全修茂才一螻圖

一螻情栩栩池塘春艸邊惠連悲此日莊叟醒何年我  
有同懷弟云亡祇自憐苦無遺墨在回首莽烽煙子弟  
祥卿

難中  
病歿

曉涉滄浪亭

滄浪亭向曉星斗碧虛繁月倩柳絲繫露隨荷葉翻樂  
輪魚得計爛笑鶴棲樊自賞江南客狂歌又一番

過鷺老新居

拙宦一詩伯吟詩坐固窮短牆扶竹色虛牖納江風  
病味酸鹹外人情睥睨中吹來一庭雨天爲洗梧桐

自壽

乞米腰難折攤書志不貧夢馮胡蝶幻詞譜鷓鴣新學  
道知平旦憂時笑古人先生何以壽錦里戴烏巾

季仙五十壽

丁酉八月廿八日作

桂子騰香設悅辰廿年宦海共風塵前身明月終修到  
夫子麤官累食貧勸我耕田因識字呼童投轄助留賓  
兒童今日添歡喜共覓陶潛漉酒巾

岳廬詩卷四

九

臥病口占

藥裏詩囊繞病身一鐙張雨絕來人海棠紅罷僧鞞菊  
只有秋花不厭貧

蔣鹿潭先生隨狙拾橡圖爲其猶子苦壺屬題

東臺避地如同谷拾橡隨狙且楸愁滿眼江湖歸未得  
填詞人倚水雲樓

烽煙回首涕漣洏歷劫吳剛老賦詩詞客有靈應識我  
黃精山雪劇來時

曼陀羅主

杜筱舫文瀾

鐵沙生

金鐵老樹本

地下年年聚酒星賸

有阿咸衣鉢在大江南北儘飄零

寄石友

樹根前代坐老柏杯酒古春酬石梅畢竟閉門休自苦  
我歌還有月裴回

蓉湖深處品慧泉

蓉湖西去夕陽貧嶼蓼汀葭刺眼新月笑留襟上酒

柳枝閒惹鞦韆邊塵池香赤鯉吹泉眼

慧泉深處  
游魚盡赤

篆古青

虬舞石脣

李少温篆石  
牀聽松二字

安得老僧重愛客竹鑪茶味夜

相親

入宜興境

歲晚發孤櫂天留寂莫緣好山陽羨邑多稼老坡田薄

岳廬詩卷四

十

采紅蓮苦秋春玉粒圓生涯賸農父爛醉菊花前

古篆開吳碣

謂禪國  
山碑

官窰占蜀山媿心遊潦艸讐病謝

躋攀農道輸初服天風妥醉顏柄權無尺寸且莫歎時

艱

溧陽訪孟東野遺蹟

爲弔孟東野孤城倚溧陽苦吟山獨抱多哭淚誰償知

已縱寥寂平生何感傷世無韓吏部下拜亦尋常

婁江達滬瀆舟中書所見

木葉琉璃翦谿梅碧玉妝眼高龙吠月蹏脫馬凌霜女

樂填黃浦民情仰太倉宦游眞可媿時事益參商

野曠盤鴉嗽山顏控馬鞍崑山一名馬鞍山江雲停古白雪浪  
裏奇寒問政籌捐米通商例設官可憐遼海訊魑魅躍  
波瀾

缶廬

缶廬讀書處好鳥時幽探病臂臨池活游心繞樹貪酒  
香雲潑甕花重雨盛籃天意留情種人堪學老聃

東沈舟中

酒醒篷底眼茶麻出郭迷離水一涯潭吐蛟涎騰壑雨  
艇扶鷗夢泊桃花志和枯笠違茗水杜甫青鞵誤若耶  
漫說蓴鱸動歸興帛魚鱗鱗鯉魚嘉

缶廬詩卷四

士

戊戌閏三月十三日于役陽羨紆道訪禪國山碑  
荆谿國山天璽碑銳頭微窪腰數圍拓久斑駁鎔麝煤  
顏色朵朵紺玫瑰險勁勢挾神識飛瘦削力抵將軍裘  
長繩百尺拽不頽劫灰外物高崔嵬廿載夢想醒則違  
癖古今日乘山櫟寶氣懾眼神低徊不三夕宿胡可歸  
惜哉中裂文字摧蛟鼉斬斷無能爲捫之涕泗滂沱揮  
嗟彼孫皓愚無知符瑞欲爲萬世基羣臣再拜陳諛詞  
蘇建篆法籀與斯當皓縱酒窮酣嬉鑿眼剝面淫作威  
樓船風利來晉師石頭城高樹降旗青蓋入洛悲遺黎  
侯封歸命甘伏雌立碑四載吳祚移秦皇漢武安可希

嵩岱封禪碑尤奇何時更躡青雲梯

別陽羨

搜奇狂賦囿碑行感事長吁射虎亭紅把將離招客淚  
青隨不借別山靈愁邊步步趨塵海醉後烏烏對曉星  
澤國哀鴻唳滿眼可憐無語慰飄零

贈馮小尹壯圖

大俠無知已人稱老匹夫酒拚晴日醉愁抱夜燈孤世  
界詩難倚崎嶇杖不扶雲南一萬里好夢到家無  
戊戌重九偕鷺汀苦壺冷香次園攜兒子涵邁登

虎阜

缶廬詩卷四

七

山頽一虎蹲塋破千佛據寒落隨趣生綠斷劍池路回  
首莽雲煙疏鐘動何處

野心隨秋風塵鞅吹何有芒屐踐幽約笑言逼重九黃  
花開故遲到眼裏回久

空翠潑松篁寒影瀑谿澗古壁青刺天奇賞坐一面兒  
童乳氣深但誇腰脚健

贈曹君直元忠

與人眞異趣抱一見黃初矯矯曹君直閒雲共卷舒張  
鐙秋雨夕妝屋雜花疏艸有經霜菊籬邊伴箸書

贈章蟄存鈺

螫存虎豹姿友我意何痴且賣文爲活而眞漢不知孤  
舟吾道在秋興插花宜鵬翅迎風色滄溟欲展時

清歡

清歡一龕坐歲寒風雪時坡無彌勒共甫有草堂思託  
夢林泉境醉顏金石姿終期忘結習專氣得嬰兒

華屏周承彥贈詩卽會

君問苦中樂我彈弦外音天教除癩癖老肯歇狂心七  
十二沾水交情同此深古歡渾不淺講易聽森森

君正治易

畚石船

飢餐秋鞠渴飲泉石船所樂人所捐入世強項古令尹

缶廬詩卷四

三

遊山演夢今謫仙有客頭風枯兩頰衰鬢垂垂颯寒葉  
眸子酸風射不歇看人喜怒恣眉睫

冷香畫荷索題

荷氣迎秋天影寒賞秋人醉倚闌干無風波處眞難得  
淺水蘆花畫裏看

旅夜

客已悲窮鳥心還制毒龍牆低防屬耳酒苦用填胸板  
屋孟冬月寒山長夜鐘黃華鐙影畔岑寂伴衰容

珍重

擇地心肝嘔訴天牙齒愁苦吟扶短檠甘寢背方州無

夢衰何補有涯生亦浮江湖遊浩蕩珍重得魚鉤

今我不樂

耳聾目暈肝肺焦一官病廢談風騷癖篆冷抱石人子  
買花狂散金錯刀無弦獨彈陶令隱有鍤且荷劉伶豪  
今我不樂歲月邁短鬢一日千回搔

畲蔣香農

蔣侯文字癖勇氣見軒騰萬事不挂眼一言眞服膺朱  
絃彈古調白屋倚秋鐙手版應捐棄回頭拜杜陵

畲鷺老

七十二沽煙渺茫樓煙南雁不成行且將短札寄遙意

古廬詩卷四

古

爲有故人憐古狂性拙道仍持瓦甃耳鳴音自聽宮商  
吟邊一種蕭寥趣輪與成都舊草堂

憶家山圖爲方大

蕭蕭散散屋三間同在風塵未得還數點煙羸千个竹  
依稀簾卷古翁山

千金一諾氣無前說劍論詩動十年元俠如君天下重  
且拚行散對幽燕

成山

直沽中夜雙輪發未及雞鳴已度關幻蜃吸珠魚吐沫  
腥風滿載過成山

拱壁爲樂陶翁賦

摩挲漢壁生古馨赤斑紅暈朝旭升炎劉陵闕穴狐兔  
片玉完好傳西京當時良工善制作金盤捧進呈宮廷  
用之祭祀賜勳戚不容點矢霑青蠅風塵淪落入黃壤  
三千年受日月精江山龍戰鼎易主漢籍寸壁留其名  
何時出土供鑒賞千夫手澤光射睛大徑三寸中有孔  
腰帶挂以朱絲繩不加雕琢表渾樸俗眼但識盤螭形  
隱侯華胄樂陶叟鑒古秋水雙瞳青獲之歡喜歌得寶  
萬金不易當連城天球赤刀此其亞隨時呵護勞神靈  
傳聞古玉能解惡杖履到處迎祥禎山林游賞不愁夜

岳廬詩卷四

五

罔兩匿蹟夔銷聲雙魚銅洗上林瓦文房猶伴鴈足鐙  
金石不壞況瓊玖人與此壁俱長生

谿樓夜課圖爲魯肩闇寶清

茗谿谿水流思婦獨含愁呼子理朝課一鐙紅小樓蠹  
編勤著眼鸞鏡嬾梳頭海國方團聚淒涼病不瘳

侵曉

侵曉片帆孤帆開霜樹疏學仙無酒後捉月有情初水  
氣秦郵驛棠陰召伯墟民心真館古尺土視璠璣

雙桂軒晚眺

蟲飛鏡半壁蟾抱桂雙株夢醒遙矚客情殊未孤隋

隄柳邊柳邗水蕪中蕪欲向花陰下還傾酒一壺

畚秋江方外鴻來

奇句天葩吐清談水月緣茅堂千佛共花雨一峯偏造  
像埵多寶買書囊罄錢伽藍如肯記遊我六朝前

小清閣閣題句

小清閣閣卷軸富畫筆況拓荆關前年來鼻孔氣不出  
安得坐此聞龍涎

歲己亥十一月攝安東縣卽目

舊黃河勢抱安東古木寒潭萬影空臥榻冷懸高士雪  
卷茅狂聽大王風詩來淮上秋山裏人在天涯水氣中

午廬詩卷四

六

眼底石頭眞可拜儻容袍笏借南宮

米元章曾  
爲漣水軍

留別安東訓導李福清學博振禧

絕倫髯似此風度古文翁在泮合飲酒殘年羞送窮荒  
城醒夢早天籟得詩同可惜梅花發寒香別意中

小麓任君招飲淮上席間有談淮陰侯事者賦此

寄慨

如帶一溪水隔離開草堂鷺來波點白鵝放酒爭黃蔓  
石落花老籠煙浦樹芳王孫不可作飛鳥下荒荒

贈畫師姚侃翁

侃翁六十未云老對竹有時還寫眞門外丁香花一樹

春風秋月不嫌貧

書鶴廬

不愁畫稿失荆關石壁靈巖例可攀  
裹飯十年尋不到鶴廬中有一房山

一峯亭

鶴逸藏石高不盈尺巖巒洞壑畢具質如枯木叩之有聲奇品也

一峯亭長畫水石氣奔腕底雲盪胸  
吳淞半江置不翦一朵快割青芙蓉  
芙蓉變幻有時作峯影離奇抱亭宿  
可惜買鄰無萬錢我却禪心近枯木

庚子五月如皋冒鶴亭孝廉廣生再遊吳下出示

缶廬詩卷四

七

巢民先生菊飲倡和詩卷并自著栗孃小傳舊

侶重逢賦詩誌喜

表德栗孃傳流芳菊飲詩文情真浩盪宿道自離奇  
築

室水仍繪食貧金更辭時有顯者贈金君力却之孝廉船肯泊荷芰

欲開時

讀鶴亭所撰栗孃傳

琴拋金徽笛碎玉孤鴛不飛甘獨宿  
栗孃之性同栗堅堅於山頭女貞木  
昔年曾作章臺柳長條不攀路人手  
周郎顧曲感知音牛衣對泣不負心  
鵬集承塵郎不起妾身雖存妾心死  
冰霜七載燕子樓鉛華洗盡鸞鏡愁

繡篋齊紈白勝雪扇上桃花眼中血南山石爛滄海枯  
生則同衾死同穴同牢合卺稱好逑一語溝水東西流  
不如小星光熠熠隨郎魂化雙胡蝶

文官果藻卿遺畫

畫裏文官果鏡前老病夫恍持青玉案其倚黃公壚色  
認山東雨吟添旅興孤看天飢不死同調覓鷗鳧

逃俗

古廳眠冷竹虛牖掬遙星逃俗此長策撫膺殊未甯窮  
兵魍魅喜朔氣鼓輦腥雪夜功誰奏燕然待勒銘

曲園先生八十壽

庚子十二月二日

缶廬詩卷四

文

臘月逢華誕芳筵舉酒卮青山高筆塚絳帳老經師離  
亂衰年感蒼涼自壽詩唾壺應擊破垂首念創痍

南極一星現西巡萬馬寒綵衣欣祝壽老眼盼 回鑿  
髮更憂時白心存報 國丹紫芝何日采持獻勸加滄

石頭城望江

石頭城高虛無塵鍾山攝山東西鄰竭來觀水一憑弔  
滿眼樓船愁煞人

飲桃葉渡

桃葉渡頭煙雨繁飲酒快滌胸中煩一斗一醉一石醉  
眼看江水人踏翻

病眼

病眼賒山翫禪心  
段酒通妃豨皇古俗  
鶯鴨草堂風新  
學談何補中庸道  
一空且濡盈斗墨  
大筆寫車工

陳抱之先生經畫竹爲其猶子辰田世丈屬題

魚計亭何處  
菰城溪盡頭  
道人種修竹  
古意接蘋洲  
金

石圖中見

著有求古精舍金石圖說

煙雲紙上留清談  
逢小阮讀畫

暫消憂

石友西冷覓句圖

少時狂被酒  
玩月西湖邊  
一別頭將白  
風塵十九年  
故人詩有學  
欲和琴無弦  
南北高峯下  
逍遙賦幾篇

岳廬詩卷四

无

南宋一湖水  
東風萬柳絲  
山泉迎著屐  
巖月候敲詩  
冷趣林逋鶴  
英風武穆旗  
他年共懷古  
一醉聽黃鸝

畬馮小尹

獨破愛吾廬  
澄觀澈太虛  
小康平日酒  
大富五車衣  
被衲子衲道  
隨漁父漁蘆  
漪歌漫作北  
望渺愁予

畬盧莪生廷鈞

掩水門虛設  
談山客寡儔  
屋和秋共老  
愁與髮爲讐  
得句喜三日  
段書盈一樓  
家風演茶量  
兩腋聽颼颼

醉夢

生已男兒老  
游空鹿豕羣  
感時歌出塞  
傷友賦停雲

沈謂

五  
江水變醕酒菊英留古芬飽淪還一醉夢裏隔塵氛  
歲暮感懷

宰相旣無醫 國手醫人誰把一囊青抽刀難斷千條  
水食譜羞談五味亭艸具送窮聽說鬼杖頭買醉笑忘  
形何時鼻息絲絲細跌坐松根飽茯苓

枯坐

病不梳頭兩耳聾敦成眞有木雞風問誰同癖耽枯坐  
除是遼東皂帽翁

病味贈周同情祖揆

泥香艸未刪病味得蕭然倚樹驚馮異圖蕉學朝川蝸

岳廬詩卷四

三

牛落蝕破胡蝶屋飛穿漫醒蘧蘧夢商量放酒船

將之析津林衡甫洪鷺汀皆以酒餞

林緒獨往客洪厓高曠心眼中吾老矣益自發長吟竹  
野藥醫俗松寒琴賞音離愁禁不得濁酒醉還斟

風露香榭爲胡菊鄰

一屋藏古南天貧石東西漢金先秦荷花小榭供涉趣  
露氣撲地香風鄰豁達到門洲上水潦草避世蘆中人  
何日訪君恣談藝一笑飽啖鱸魚蓴

書馮小尹悼亡詩後

草木黃落秋氣清悼亡詩苦馮先生淒涼獨灑鄉國淚

生死不負糟糠情  
金釵沽酒醒薄醉  
瓦券買地營佳城  
孟光有知亦含笑  
寄語飲水無悲鳴

贈季老

今年政七十氣象古  
先生語笑美無度  
乾坤鳴不平箸  
書存此老覓句兀長城  
杜甫閒居日還聞賦北征  
風波辭一舸雪亮膾雙眸  
羶蠟窮金石丹鉛富校讐  
戒心持酒德美意得魚鉤  
此外論長物黃華倚白頭

岳廬詩卷四

三

蘇城郡廟前  
謝文翰刻印

